



08511

夙好齋詩鈔卷十七

歸安楊知新元鼎題

梁園集三 甲申上

水劉二月初九日燈下得孫秋濤項城書走筆
言懷得五言古詩六十二韻

孫子我故人十年不相見忽聞尺素書郵自項城
傳挑燈亟起讀紙墨真情現自云前年夏作客楚
游倦束裝旋故鄉別久懷逾戀入郡訪知交首卽
詣君院適值君來豫無由一覲面從茲歷數家門
戶叩幾徧綠滋閑庭草泥落空梁燕款接無主人
夙好齋詩鈔 卷十七 一

雲雍容履

金殿或旅食他邦生涯倚筆硯卻步意惘然回頭
思古諺雲散與風流一別真如霰家食未一年囊
空計無變出門復游楚栖栖不得宴僑寓武昌城
聊冀一枝選會有新令招相將遂來汴人地故生
疎水陸殊不便南頓又僻鄉鄉書無可遣客況並
羈愁管城述難倩幸得君父子宦游在近甸警歎
聲相聞瞻望首可偈庶藉風昔知得被深情眷余
時讀君書脈脈心如線計自揖別來流光急于箭

橐筆走名場南闈經四戰三度遭暴顯中僅獲一
薦故我總依然憔悴青衫賤決策上金臺驅車指
津浣偶逢子舍迎中州行且先非圖就養安日惟
飽珍饈燕山路匪遙河陽花詎羨誰知邁屯厄卽
事多拘牽看囊旣罄竭瘡鬼更驅煽臥病牀褥間
心目餘賄賄淫雨忽兼旬洪濤激雷電利涉悵難
期局縮類蝸旋遂令獻賦心抑遏不得銜登高望
長安天宇絕攀援素抱爲君陳應亦相驚駭君本
松陵豪來作西吳彥家世推清門遠祖聲名善前
朝復社中孟樸稱狂狷領袖諸名流草茅多論譟

夙好齋詩鈔

卷十七

二

君也紹遺風箕裘實堪殿蔚然大雅材夙日風騷
擅心期雅愛才季女悲婉變數數稱余詩一字值
匹絹我生少知音寤寐徒輾轉百挫氣不衰精金
須百鍊何意韞匱珍一朝遇薛卞奮袖欲起舞不
異巨鼇拚竹風響瀟瀟野雲飛片片騁望光武臺
佳氣何蔥蒨臺下卽君齋昕夕恣游衍命駕擬過
從握手增欣忭論文別金沙談詩明素絢摩厲巨
刃揚點竄澄江練舊雨話彌長新詞讀屢繕翦燭
忘深更西窗日歡醺

道光四年歲次甲申午月午日午時密
之野有獻雙歧麥者三

兒子綺文來令

是邑已三年矣喜而受之給以青帛藏
諸帛匣遣急足賫呈大吏以轉達於

天堦真難得之遇也時余適在檜陽目覩斯瑞

作爲五言長律一篇以供輪軒使者之

采錄云

麥氣迎秋候盈疇異穗含歧雙先得一人衆遂成

三草野殷勤奉公堂獻納諳記時逢晷午表月正

譌南節是天上好生緣土性甘連房珠顆顆共本

夙好齋詩鈔

卷十七

三

髮毳毳燦爛金莖擢晶瑩玉粒涵交柯安足擬並

蒂那能參薄賞錢逾貫

三人給以千五百文

清貧吏不貪歡

聲動閭里喜氣溢江潭稼穡洵維寶嘉祥敢妄談

西成平秩奏東作歲功耽小子才難荷卑官義弗

堪時和今有驗

國瑞古奚慙以此休徵見知由

帝澤覃

授衣憐子婦

計食恤丁男無逸圖新繪居幽俗舊探

思艱訊耕耨習苦念桑蠶每

軫民依切深懷

祖德譚天人欣協應土穀釀清醑遂使菁華氣還從
秀實函孤莖二峯峙兩米一稔擔吉兆興山色星
言發錦驂誰云百里采未破九霄藍壁合形全肖
絲聯象可湛竭看科系系早卜味醑醑唐史書同
穎周詩詠有滄堯年相踵武漢代競趁趨雨泝羅
純淨風吹餅餌穡斗城禾匱帑繡隴燕呢喃
膏露恩何極謳歌意所妨小臣搖彩筆作頌陋邾
邾

密縣瑞麥歌美楊蕉雨明府

風好齋詩鈔

卷十七

四

烏程孫枚秋濤

兩歧麥著於史德政歌傳自漢始膏澤溥禎祥
見昔在潁陽今密縣昨者有客來大梁口歌瑞
麥聲琅琅豐年吉兆非一方就中尤異推檜陽
檜陽賢宰西吳楊遠紹卓魯追趙張治甫三稔
民樂康野無盜賊家積倉今歲五日日卓午獻
麥人三競歡舞不約而同各鄉土語語只稱好
官府我聞竊喜還然疑謂客歌恐鄰阿私休徵
嘉應古所稀官好何遽感及斯客言君疑勿庸
辯請聽謳謠徧畦畎密民受福忱曷展但祝官

階致通顯君今且莫異所云地不愛寶君應聞

君不見稼無螟螣田無鼠秋來還有九穗黍

秋初

邑有獻九穗黍者拙園曾作長歌紀之

密署新秋懷孫秋濤項城賦寄二十四韻

一葉下庭除西窗夜來雨煙景入新秋寂寥好天

宇原野何蕭條曠焉闢場圃睠言懷故人極目空

前浦故人客南頓旦晚吟情苦茲邦實名區自昔

產光武山水鍾靈傑風雲起龍虎親提三尺劍掃

蕩新都莽九鼎煥重光聖作萬物覩後值臨幸年

築臺峙百堵秀容有遺山周游歷斯土登高送長

風好齋詩鈔

卷十七

五

鴻遺山光武臺句

題詩憶漢祖至今讀其詞颯爽欲起舞

想見氣佳哉川原猶臚臚維君磊落胸當世罕儔

伍出入皆風騷沈酣在四部攬勝遂尋芳憑今還

弔古伯牙善琴弦定當一再鼓側耳聽新音神情

爲栩栩我欲結孟亭邀君來作主縱橫翰墨場跌

蕩圖書府矯首望南天不見飛鴻羽翦燭尚難期

有懷孰傾吐何物寄相思溱邊采芳杜

立秋日讀范白舫漢口叢談漫題六律於

後末章兼以寄懷

形勝推荆楚雄風說漢陽輔車憑巨鎮唇齒固隄

防邑里紛煙火川流極淼茫如椽工記載聚米伏
波詳

自古必爭地當年亂若麻

擊鎮帥回戈避謂左良玉監軍棄甲譁謂王楊基緩追惟佚

賊忠義果誰家

風土斯爲最奇觀並勝游火城喧竹馬水窟競龍

舟北里鶯花聚南檣歌管稠瀟湘湖畔路士女冶

春秋書載漢口後湖爲襄河故道一名瀟湘湖

檀板金尊地春花秋月時黃瑤公子佩香草美人

貽彭澤閑情賦樊南豔體詩新詞多幼婦采入楚

風好齋詩鈔 卷十七 六

風宜書共六卷末卷所錄詩詞大抵皆左右風懷之作

九土稱雄鎮先朝未擅名蜀江收沔水楚市盛前

明書載宏治後沔水于郭師口直沖入江漢口乃有泊船之所市刻漸盛買醉無昭

諫停舟孰長卿題襟追漢上獨有旅羈情君自載所著詩

詞甚夥

木落洞庭波秋雲薄似羅輿圖連繡壤分野共星

河消息近無有迢遙情若何思君擬乘興來聽楚

人歌君時正在漢口

立秋前一日方作書寓秋濤燈下適接來

書快然成詠

雙魚纔整就獨雁忽來思記我關心日多君見憶
時淒涼吳苑詠跌蕩楚游詩好待箋騷些芳蘭手
重貽君以楚游草三卷索評
序開卷卽吳門甯別詩

遲家書不至二首

江左浮雲遠嵩陽落日斜平安無一字焉得不思
家

朝聽鵲聲歡暮聽人聲沸夜夜卜燈花家書到也

未

七月既望邑人以三穗黍來獻詩以誌喜

兼示大兒

夙好齋詩鈔

卷十七

七

夏獲雙歧麥秋登三穗黍早晚皆豐收農夫喧笑
語持以獻公堂長吏歡情抒青青色可愛纍纍實
堪茹呼童植于庭西成稍延佇涼葉已隕桐炎威
尚餘暑待彼熟且黃包匭貢亦小賦齊來書陸
當宁會觀

龍顏怡

褒獎在斯舉

帝澤旣溥將

天心自嘉與幸哉一歲中兩見休徵敘勛兒矢冰
兢官箴慎來許敷政果優優閭閻滋得所屢聽頌

豐年庶免歌碩鼠作詩慶遭逢九霄露華清

鄧烈婦詞

烈婦姓姚氏洛陽人汜水邵明府堂為作傳嵩縣劉明府禮淞

以徵詩

波瀾誓不起妾心古井水昔讀列女操東野嘗云
爾洛陽有女淑且貞矢願靡它良有以婦人之義
從一終鴛鴦會見雙棲止夫也不家更字人聞不
欲生誓以死既歸守志兼事親好待破鏡重圓矣
天命不祐喪厥姑八年為婦今為子哀毀餘生卒
自經以死殉姑乃若此作歌還將遺行傳用愧世
俗偷生士

夙好齋詩鈔

卷十七

入

越數日又有以雙穗黍獻者再作短歌紀

之

豐年多稔復多黍三穗二穗獻公所先是南訛已
奏功此日西成還卽斂降康自古見風詩比櫛崇
墉信有之看他四野如雲象深我三時不害思
七月二十九日得家書書示次三兩兒二

首

向夕家書至挑燈讀不延得聞兒女好已釋夢魂
牽身久羈梁苑心終繫雪川故人驚溘逝臨紙一

潛然

沈文栗于六月初旬去世

聞道今年試湖州及秀州爲期纔兩月屈指是中

秋野處元論秀芝芳待拔尤唐人詩靈芝冠衆芳南雲時極

目側聽好音郵吾郡于八月間科試

寄贈廣濟張子樹明府四十韻名維屏番禺人壬午

進士

粵中風雅疇創與南園先生並巍哉中葉繼起歐

大任黎民表區大相禘宋宗唐莫敢扞三家晚出

工力齊屈梁鼎足聲名配江左並時競爽說程可

周王隼蒲如驂之靳脫韁鎖錦衣世胄苦子陶名

刻苦成詩筆不惰近來作手誰最雄子樹張君材

風好齋詩鈔 卷十七 九

破礮七年前與憚五交子寬明府敷謂我詩文俱嗟嗟

哲兄文集惠然貽大雲山房讀能頗中有粵東三

子名稱自覃溪翁閣學方綱非瑣瑣香山陽春暨番禺

一方才士何其夥清瀏蕩漾黃子詩譚詩渾逸評

各妥獨推君詩品高邁下筆剛健含婀娜聽松君

集名與聽雲譚子晉詩集名借蕭閑寥闐情無那卓哉子

居非妄談畢生斷斷慎翼卵想君才調眞少雙言

奪氣吞無不可前歲姚生名樟字笙華已巳庶常改官閩之永定令作

粵游屬訪君家撥叢脞淹留兩載祇衡文顧耕石學使聘

閱院事畢翻然理歸舸一見亟訊君何狀但道相

聞無坎坷自登黃甲宦荆湖屢向人前語侈哆君

有齊年鮑

明如明府承燾

與鄒

松牖明府堯廷

聯翩入豫飛鳧墮

作書兩地探行蹤南頓甘棠騎顛簸今夏始聞松

牖言蘄春劇邑調已果治國猶如烹小鮮君才卓

犖實堪荷夙聞齊安古名郡竹樓雪堂足婆娑快

哉亭子月波樓勝概蒼涼隱粉堞江漢滔滔檻外

流佳哉兩岸煙鬟鞞小畜東坡治有聲風月襟懷

半磊砢公餘退食自委蛇錦繡詩篇埽堦堦

昭

代又見宋黃州

漫堂先生

名士相從賦隙墮隨文采風

流彼一時別駕才名燦簪朶以今準昔有同符赤

風好齋詩鈔

卷十七

十

壁之游糧必裹新詩定增爾許多清景難摹急星

火我生恨不見古人復恨古人不見我今逢佳士

亦云然中夜懷人恒起坐雨洗寥空萬象清梁苑

秋光正澹沲入林把臂猶未能兩馬掉鞅或云寄

投以木桃報瓊瑤風人兩言殊猗儻作歌詳敘知

君由剡蒿聊以當箭筈永好之情冀得伸莫向山

前嘲飯顆君能和我短長吟他日襄江應鼓柁

閏七月初六日復得家書知次兒以前月

赴蘇陳晝堂邀游虎邱與客偕飲山塘

舟中更餘始散賦此寄謝二首

天降嘉種態多新地效靈根色不醜異畝同穎古
有之歸禾嘉禾著篇首一莖數穗世已稀駢羅在
黍今無偶吾聞至治發馨香昭升敷聞兩无垢黍
稷非馨明德馨不待穠褻去稂莠感神有原過蒞
芬仁民有具殊鞭柎菽粟俾如水火多昏暮叩門
孰可否自然德色泯穰耨焉有諍語到箕帚年豐
定可得人和吉蠲報賽毋敢後田祖先農暨方社
潔以齊明並純牡獻幽擊鼓相攜持祭虎迎貓隨
指噉田峻既樂老物息合聚索饗傾尊卣黃衣黃
冠聯袂來殷動鄰里歡童耆百日之蜡一日澤文

夙好齋詩鈔

卷十七

三

武弛張道非狂奔走何妨國若狂歌思不厭綱解
紐祈年報耆樂無疆飲福家家舉觥斗一醉陶然
重祝釐惟願十千常歲取下無苦溼高無乾秔稌
充羨彌山藪俯饒衣食長兒孫仰裕旨甘奉父母
秋風蕭蕭天氣清四野雲淨凋花柳肅霜滌場期
漸臨炳酒羔羊饗誰咎自來檜陽近三載卻喜頻
年觀康阜今斯更逢異瑞臻怡情滿酌芳尊酒忽
憶鄉園去歲時累月愁霖暗辰酉洪流汨汨鳴稻
田去馬來牛混誰某十家九室淹波中沈竈產蛙
沒雞狗有車辱水無處容旦夕忙煞耕田叟秋冬

粒米成大無中澤哀鴻徧啼吼撫摩幸遇長官賢

謂二明府議賑議捐俱不苟困頓茅簷委曲收高明閱

閱殷勤誘胥矣富人義應通衰此災獨顏何忸臨

風櫛沐冷寢餐未雨綢繆及菘韭災黎無濫亦無

遺冰銜不愧紆青綬今年夏二明府並奉特旨加知州銜古來荒

政聞周官薄在散利除紛糾流民繪自鄭監門歷

歷情形如發蔀多公據實亟聲明雁戶魚丁星在

番大吏轉奏不少延曠蕩林林封於然困坐於

隆恩俟我命當數國酌五勳名總聖賢心莫得

后未幾卽奉實惠受一表不戴聖

夙好齋詩鈔

卷十七

七

恩綸頒編氓實惠須眞受一夫不獲厘

睿思經畫曷嘗遺匹婦已飢已溺聖賢心草野賴

茲安井臼今夏稍聞麥有秋珠桂依然困坐守安

得盡如茲邑豐五風十雨慰衆耦豈必九穗兼雙

歧但冀西成書大有從此耕九還餘三千倉萬箱

充棟牖歲時伏臘享魚豚陂塘笑語牽菱藕酒酣

耳熱歌鳴嗚爭拊田家老瓦缶年年婚嫁杏花邨

方方耕鑿桃源友天休南北獲均霑作歌共獻

南山壽

截髮撫孤篇爲王節母閭孺人賦

乾隆中密邑有王克一妻閻氏夫亡時年甫二十有八翦髮矢志撫其子誠成立後年至六十一族黨咸欲爲之請旌力辭不果壽七十有四而終王孝廉

格正作節孝事略一首見示余爲賦截髮撫孤篇

死節易立孤難各行其志臣節完當年嬰杵嘔心肝保全趙氏何險艱勳名烈烈異代看古來英傑固若此誰謂中惻乃能爾女中丈夫彼何人卓哉密邑王閻氏氏年十五早于歸姑先逝兮翁已衰筆耕舌耜僅餬口數畝山田恒苦飢既無伯叔可倚仗那有妯娌堪依持祖姑篤老困牀蓐夫瘠沈疴又瞽目形影相弔止焚焚應門五尺何童僕上風好齋詩鈔

卷十七 古

奉雙親闕旨甘下供一飽虛體粥氏也義不顧身謀親操井臼勤勞服長侍晨昏職抑搔親承色笑咨寒煖纖絃漱澣靡不爲滄髓藥餌隨所欲進無片刻之情容退無一言之怨譴庭闈孝養十餘年高堂相繼委重泉膝下生兒纔數月呱呱枕畔殊可憐未當病劇顧之泣彌留之際申殷拳上云先柩尚停室欲覓吉壤歸無緣下云弱息如泡影嗷嗷黃口方顛連承先啟後願未畢一家賴汝相周旋幸毋哀毀誤大事使我不得安長眠氏唯嗚咽敬受命妾敢中道狂棄捐是時青春正四七髻鬟

嫵媚明鏡前一朝翦截立自誓鬢髮墮地隨風煙
旁人竊怪鬢髮盡問知莫不高其賢爰告本宗及
戚里未亾人何不遽死祇因諸殯俱在堂孤魂渺
渺靡棲止門衰祚薄鮮遺丁藐爾懷中一穉齒夫
有遺言妾備聞焉忍忘諸舍弗子昨屈棺衾摒擋
時衣裘舉付東流水惟餘負郭五畝田數番券契
今陳兀養生資斧敢豫圖但求三世歸蒿里願悉
將去易錢來令妾此心得安矣族有謀爲將伯呼
峻卻堅辭不屑以葬祭班班禮法循死者復生生
不恥旣營窀穸家益貧一身衣食憑鍼耑嚴冬時
或禦單袷豐歲依然齷糠秕飲冰茹蘖彌自甘勁
竹貞松差可比呼嗟乎柏舟之節矢不渝中心潛
恨天可呼鄘風采取冠篇首高情大義人咸孚况
乃截髮兼撫孤畢生心力瘁且痛堅貞苦節世所
無嬰梓尚是男兒軀獨射至行不表暴精誠更與
天日俱卓哉女中眞丈夫嗚呼卓哉女中眞丈夫
懃懃夜紡課書行亦爲王節母閨孺人賦

風好齋詩鈔

卷十七

五

魚里未亾

孺人教子絕無姑息誠五六歲時卽于族間擇師教之脩脯之資悉出紡絲每

衣人蘇

誠自館歸必令背誦日間所讀書遇有疑滯卽痛加笞責每夜母子共處一室

效蘇門

一吟一紡青燈熒然機聲書聲恒至達旦誠生子二長起元次名元俱克遵祖

母教嘉慶間相繼卽世現有曾孫詠應
童子試教授生徒余又爲賦衣紡課書
行

帷房清夜何所聞機聲書聲相糾紛帷房清夜何
所見人影燈影兩交現機上案頭主者誰羣稱王
氏一孤嫠欲將悄靜三餘晷課就單寒幾歲兒軋
軋繭絲抽杼柚琅琅細帙詠風詩淒清急響傳霜
柝寂寞孤輪照露墀訓兒攻書祇在熟且晚毋得
恣游嬉背誦必如瓶瀉水不爾輟紡加榜必庚切答
鄰里聞之笑相勸更迭來前婉致辭謂母生兒何
不愛彼尚髫齡應憤憤待年稍長自專精朴責因

風好齋詩鈔

卷十七

六

何不少貸母言三世只單丁支門賴有斯兒在人
生勵志須及時讀書識字勤奚礙男兒非教不成
人愛能勿勞忠勿誨我詎不知彼尚童光陰一失
時難再感母此言立如癡重加溫習功無退母命
諄諄兒克承書香今已緜三代是母是子誠可憐
能曉大義非徒然不惟言教兼身教恤緯憂宗事
兩全昔者孟母有遺躅擇鄰而處曾三遷手斷機
杼警不學鄒嶧乃能成大賢母也擇師比擇里勞
身易食脩脯虔五夜依依親督課孤燈挑盡尚畱
連試將破卷殘機意寫出恩勤鬻子篇

七夕後四日得家純甫都門書因和季春
畱別詩韻卻寄兼寄朱仁山大令山左
及其尊人茲泉學博海昌共六首末二
首祿用元韻

羣山萬壑鬱蒼蒼訪舊能來喜欲狂授簡分題猶
故土開樽賭酒是他方已無徑竹雨飄翠惟有園
花金散黃此日與君談昔夢新知尚記墨池旁

春余讀書武林之觀瀾樓君時亦寓居紫陽書院池上因與訂交

號舍曾經前度逢分簾鎮日敘歡悰秋笳曉角神
俱寂皓月清風興未慵

夙好齋詩鈔

卷十七 七

土尋芳聊寄跡

時欲至山左訪兄

西泠橐筆莫辭從此中

大有英賢在吳越山川間氣鍾

蚤歲論文髮未蒼鹽官市月放清狂榛苓山隰人
千古霜露蒹葭水一方刈楚何愁遇蕪錯披沙定

欲得金黃殊尤最數朱公子直擬三熏置座旁

春海昌黃別駕邀閩州試卷余獨稱仁山文為一邑之冠後果以戊辰領解仁山君之從舅也

二十年來跡不逢停雲無處寄情悰乍聞歷下飛

鳥駐已報東阿病榻慵雙鯉銜書空想象扁舟載

酒好過從憑君兩地傳消息五字英才記擢鍾

山于去年夏五署東阿令即移病還濟南

平頭六表鬢毛蒼
昕夕披吟未覺狂
心喜朋簪區黑白
性耽竹素列丹黃
念君子矣温如玉
望美人兮天一方
漫擬追隨歷齊魯
品茶七十二泉旁

嚴君昔借舊家風
此日蔬鱸忽又逢
愛子聲華三鳳並
諸孫靈秀一方鍾
春帆訪友情無厭
夜雨懷人意不慵
欲向元亭問奇字
薄家橋畔一相從

茲泉

住袁花鎮之薄家橋聞于去年春自龍游解組歸里

甲申三月之望將赴河內道出曲梁得晤拙園

十宗丈於長君蕉雨明府署中畱飲三日爰賦

七律二章奉呈卽以志別

夙好齋詩鈔

卷十七

文

海衛楊秉一筠軒

十五年來鬢略蒼
論文猶似舊時狂

計自庚午識荆至今

已十五年矣

板輿人羨雙星樂
桑雉公傳小試方
膝下多才齊軾轍
天中有福遇龔黃
吾鄉憶否查初白
就養聲聞御座旁

初白就養聲聞御座旁

御座旁

秋闈幾度記相逢
又向他鄉話別悰
愛客憐才前輩切
拋書浪跡後生慵
高山縱未知音遇
焦尾終應擊節從
會看文章標定價
龍頭屬老詎

龍鍾

文屢薦不售來歲切有八閩之約

仲秋二日寄懷秋濤仍用元韻二首

故交逢異地，斯夕倍相思。天上停雲候，梁間落月

時行藏。孤劍詠君以所贈張鐵夫買劍行具示存沒斷腸詩君轍

詩有云斷腸獨向門前望羨煞鄰生下第歸為其尊人曲塘文作也芳草佳人佩，殷

勤幾度貽蘇空蒼堂戲與謝希賢詩于里松吳

訪舊半為鬼杜句君來書君及之安能慰我思，徒懷中酒日

不見。苦吟時向秀，山陽笛陶潛。柏下詩相知，多死

別珍重。束芻貽君前歲暫返里門頗有物是非之感書中屢形於言

來詩雨夜喜得拙園曲梁書并見憶之作次韻寄答

烏程孫枚秋濤

風好齋詩鈔 卷十七 五

陡覺羈愁豁，瑤華慰所思。清吟當此夕，快論正

何時。夢醒三更雨，心傾五字詩。愧無青玉案，還

報美人貽

秋日讀秋濤書懷見贈諸什賦此奉酬仍

用元韻四首

高天寥廓嶺空蒼，望遠興懷欲發狂。千里楚吳經

久別，一時萍梗萃他方。尚遲尊設醪，浮綠佇看花

開菊有黃安得此，身生羽翼隨風飛去墮君旁

十年九月鎖相逢，片刻風簷訴闕悰。秋柳賦成心

似夢江潭人去物，瘡爛乙亥九秋君來見訪不值次白君適補考與余相遇

於古學場中是日題係秋柳賦
以零落江潭物猶如此爲韻
久傷雨過雲煙散

差喜風生虎嘯從南頓曲梁非偶爾此間信有地

靈鍾

舉杯白眼望青蒼骨格如君乃許狂旅况頻年應

作達鄉心五夜忽無方仲宣樓上頭先白
君向年客楚最

久光武臺邊草又黃寂寞空齋誰是伴錦囊佳句

滿身旁

簪盞由來不易逢祇憑尺素緩愁悰春風秋月思

彌遠流水高山賞豈慵路指梁陳元比接交聯張

范擬過從何時重聽蘇門嘯鸞鶴追然勸百鍾

夙好齋詩鈔

卷十七 辛

來詩 書懷寄拙園卽用其酬海昌楊筠軒元韻

烏程孫枚 秋濤

落拓風塵鬢已蒼敢矜豪氣尚能狂眼前賸有

依人感肘後曾無濟世方孤憤祇應浮大白少

年幾輩策飛黃託根高處知非偶苦李從來樹

道旁

殊鄉豈易故交逢尺素頻欣達悻悰馬援精神

眞費錄嵇康情性愧疏慵幸無嗜好酸鹹異妄

擬雲龍上下從安得長房來縮地劇談快倒酒

千鍾

又疊前韻寄贈拙園兼祝其六十雙壽二首

弱冠論交到老蒼襟期不改與逾狂愛才心逐

雲千里念舊情深水一方編蚤義山分甲乙君所

制義均已陸續刊行賞遲伯樂混驪黃居屢薦不售而

志不衰者英卻憶靈巖叟佇躡仙班辭

香案旁林風志豈熱蕙萃歌美願丹詞又其

風花甲周欣子舍逢雙星粲處識歡悰芝蘭秀發

香初郁桃李栽多意未慵補

鸞誥榮先鳩杖

錫錫

風好齋詩鈔

朝衫舞引綵衣從板輿行樂真無極始信人間福

有鍾

論詩寄示秋濤再疊前韻四首

風雅由來正變逢貞淫美刺寓情悰奚斯頌魯思

無斃季札觀周志豈慵蕉萃姬姜聊代匱偏反唐

棣未云從芟除靡曼憑尼聖片席心輕祿萬鍾

屈子離憂呼去彼蒼行吟被髮似佯狂靈脩難格

懷羣后姤節終存戀一方朝飲木蘭零露白夕餐

秋菊落英黃風詩萬古音誰嗣祇在三湘七澤旁

嘔啞嘈囋悵頻逢正體無出抒素悰誦法三唐宜

識變憲章八代敢辭慵渭清涇濁源流判宮主商

臣類應從疇是龍門疏鑿手英靈間氣一齊鍾唐殷

璠有河岳英靈集高仲武有中興間氣集

少小稱詩到鬢蒼次公誰說醒而狂心胸直欲開

千古足跡元應歷四方北調南腔鬻鬻觸唐風宋

構混雌黃主盟騷雅推君獨敢獻吳吟講座旁

是日適得君手書

碧空皎皎懸秋河四圍細蹴魚鱗波我懷紆軫向

誰託欲想皓月舒長歌憶昨與君十年別幾度炎

風兼朔雪惟有相思一寸心隔千里兮共明月美

風好齋詩鈔 卷十七 三

人娟娟遲不來一片飛光照城闕江之永矣不可

方漢之廣矣那可越不圖異地偏遭逢瑤華尺素

時交通論文雖少尊酒樂知己已釋天涯衷披吟

恍聆警欬肖晤對如覩丰儀恭引商刻羽和彌寡

元酒太羹情轉濃昔聞李唐有二子並時競爽稱

詞宗庾清鮑俊託豪素暮雲春樹攄忱悰同心離

居各天末夢魂來往悲青楓又聞昌黎與東野騷

壇卓犖才俱雄兩賢相遇不相厄爭相誇羨言由

中願爲雲龍合一氣四方上下常追從遐哉古人

不可作文章光燄騰熊熊我今曲梁子南頓幸非

渭北而江東平生嗜好故不異庶幾韓孟堪齊蹤
望秋詩酬虞部絕玩月句贈功曹工昔年對之多
感喟今宵兩地歡無窮天清野曠碧雲合脈脈彼
此將毋同倡子和汝良不惡好待三五冰輝融高
歌一曲栖鳥起疎林縹緲來天風

秋濤書來述及近人詩派雜而多端雅俗

混淆毀譽失當欲與之辨而力有未能

不如退託於不知以藏拙也因作七言

長歌一篇以廣其意三十韻時中秋日

深林斜照光入簾墮墮乾鵲鳴高簷須臾封題列

風好齋詩鈔

卷十七

三

几案中有惠我瓊瑤函

時與他書並至

開函伸紙肝胆露

素交莫逆心所欣篇終忽得別紙語蹶然翻覺一

笑添君言作詩躡正軌夙與衆好殊酸鹹世俗淫

哇聒人耳三唐兩宋界必嚴不圖風雅有魔道朱

紫色襍雅鄭兼巴人下里非上乘翻與鐘簾爭洪

纖東西各天述所謂但求拙速時毋淹大斤小斧

頻斲削奉爲圭臬嗤旁瞻更有好尚極頗僻露才

揚已曾無謙唐喜皮陸宋楊陸轉於高格多憎嫌

欲廢古體專近體指麾自謂登峰尖我力實懸置

弗辨鋒鐔終歲徒韜緘余時把書一再讀聲音笑

貌俱闕規慨自袁趙創別派藉口蘇白爲頭銜山
歌村笛雅入聽衢謠鄙諺欣先拈盛唐風範總不
齒取適胸臆除膠黏施宋王朱盛詆毀何怪拮擊
遭靈巖幽深雖非竟陵續前人論鍾譚詩以爲率

易已是公安漸袁中郎宏道著後生耳食相眩曜

雄倡雌和同沾沾新腔變調尤下劣專事尖穎工

雕劊妍媸不別名實混孰聽韶獲尊雲咸遂令詩

道遽榛塞一時紛亂不可芟期君努力追正始堅

持古樂加鍼砭高挹羣言棄時譽速彈仙操感至

誠中原百丈樹雲霧江河千里馳風帆願爲左提

風好齋詩鈔 卷十七 三

并右挈堂堂旗鼓神明監清廟遺音獲更奏小言

任彼誇詹詹吟成急遞遂初老放筆已近詹山髯

題范白舫蕢洲漁隱圖

綠蓑青笠不知愁細雨斜風一葉舟家汎荻花全

白地酒沽楓樹半紅秋張志和漁父詞煎茶竹裏

呼童汲炊飯蘆中少客畱宛是煙波垂釣者年年

盡日住蘋洲

又題蘋洲漁隱詞二首

漁隱頻年感鬢絲扁舟載酒汎遲遲白蘋風裏添

愁緒紅藕香中起夢思遠岸煙消斜日後前汀花

放獨吟時恨無二八雙鬟女教唱君家絕妙詞

鐵板銅弦笑大江清歌一曲淚沾裳碧簾墮絮張

三影紅雨傷春柳七郎巖海被酒獨眠深院月詞關

名分題共賦滿庭芳不師山谷和淮海竹垞自題詞稿有不

師奈七不師黃九語那數花間與草堂

九日登望嵩臺懷白舫漢上賦寄二首

風急天高落木辰悲秋有客獨傷神每逢節序思

鄉里更遇登臨憶故人楚塞迷離衰草徧梁園寂

歷早霜新是日為霜降後七日深情欲倚南征雁為問江頭

作客身

風好齋詩鈔

卷十七

三

江光雁影菊花天對酒思君倍黯然鄉夢欲嘗吳

稻米游蹤仍寄楚山川日斜北渚橫寒樹范石湖詩漢樹

有情橫北渚秋老東籬散夕煙此日題餞相憶否臨風

頻望尺書傳

九月十四日雪二首

隕霜纔幾日忽爾見飛霰慣作回風舞頻為撲面

迎同雲寒有色宿鳥靜無聲栗烈那能禦端思濁

酒傾

白首平生友無端鬼伯催鄉音方送喜凶問劇餘

哀老淚涔涔墮游蹤歷歷陪生芻何日奠明歲好

歸來數日前適聞北
硯長逝之信

戲題某明府贈歌者某郎詩後二首

十愆綱領在三風有位官刑具訓蒙詎謂堂堂百

里宰儼然歌舞比頑童

張燈開宴與何豪妬寵爭妍笑若曹莫怪時流無

定賞鍾情卽是鄭櫻桃聞某郎極蠢頑而明府嬖之甚故以為諷

讀宋史張浚傳六首

符離敗與富平同底事南軒諱飾工不動良由心

學遂鼻端火出似萊公南軒謂家父素有學心故富平符離之敗能不動心

此亦為尊觀諱則然然此二敗喪師至數十萬宋之元氣傷矣魏公其何以為心哉昔人詩有云魏

風好齋詩鈔 卷十七 美

公心法由來異鼻息如雷學寇公蓋譏之也

曲端瘐死有寃名亦自難逃跋扈形公論輕軒誰

最確曝書亭讓鮪琦亭竹垞力詆魏公而直曲端至引明袁中郎江進之兩

詩為證是直以賊檜比之矣謝山則謂端亦自有剛復違命之過特其死不以罪而才顧大可用故

一時人士咸痛惜之在魏公實有難辭其咎者較竹垞之言更為平允

呂尚書不諳軍旅二將分明難協和少保正言偏

見拂致令臨敵一投戈酈瓊之叛實魏公使然皆由不用岳忠武之言故也

聽受不明雖悔何及

宏淵豈是顯忠羣收復中原道各分搖扇清涼言

可斬如何罪坐李將軍伐金之役魏公使邵李並將已失知人之哲乃師潰

後獨貶顯忠至潭州安置而宏淵反得不貶魏公竟無一言爲之分剖何也

長子由來任帥師誰令弟子漫輿尸出軍先昧貞

凶戒北伐美名空爾爲輿尸二字義用程傳傳云輿尸衆主也較本義輿尸

而歸之訓爲的

盈廷和議已紛紛公獨堅持恢復論風雪扁舟赴

國難丹心一點照乾坤海陵淪盟魏公復召遂自永州至岳陽買舟冒雪而

行人或阻之獨直前不顧沒後易名忠獻有自來矣

讀宋史曲端傳六首

不向關中興事業卻來江上汎漁舟二句卽端詩如何

鍛鍊恭州獄坐使英雄碧血流

夙好齋詩鈔 卷十七 七

中興材武資延攬宣撫初心亦自公忮意一萌成

曲殺事君何以表丹忠

乘輿指斥莫須有白日飛霜天屢呼鐵象可憐眞

俊物感傷非獨爲名駒端赴逮時大呼鐵象可惜數聲鐵象者端馬也日馳

四百

械身封口有何辜一死平生壯志孤千古奇冤同

武穆康隨不恨恨王吳壯愍之死王庶與吳玠實構成之時康隨提點恭州

刑獄隨嘗以武臣忤端鞭背恨端入骨故遂至寃死云

目光如炬想收檀萬里長城竟自殘他日符離追

失計中宵貪影可憊端

夙嫻將略占人先若展才猷定赫然爲問卓旂虛
龔敵何如生日曲矜全殺端後猶命軍中張其旂
幟以懼金人魏公之悔心
萌矣然無濟也徒爲敵人所笑而已

一聞孫樸莽得擢選貢詩以賀之兼寄吳半

峰南林四首

清遠山川間氣多生才不盡美如何頻年未挂興
賢籍此日先登拔萃科待詔金門應罕匹談經虎
觀更無過還期直上蓬壺頂一片仙風引玉珂
靡曼新聲俗競傳惟君獨抱古琴弦憑將流水高
山曲掃盡巴人下里篇白雉歌應重天廟黃鍾奏
夙好齋詩鈔

卷十七

庚

可降神仙焦桐難得知音賞牙曠相遭信有緣

文章得失詎無憑落筆宜超最上乘秋盡高名題

白塢春深美餅啖紅綾青雲非子將誰屬黃甲何

人敢自矜大阮於今嗟宿草不畱老眼看飛騰謂君

叔東
臯丈

蓋珠丰骨本超超聯袂同升快此朝萬里寥空盤

一鷗三秋遠勢運雙鷗下帷昔戒窺園徑競渡今

看奪錦標願祝圖南風力厚垂天奮擊指扶搖

讀秋濤雜叻集以詩代文漫題長律四首

接迹風人邁昔賢孫郎高格本天然軍中師曠聽

鍾律海上成連教水仙白雪應難諧里耳朱弦只

合著入宮縣論交卅載神逾合開卷先吟買劍

篇集中有買劍行贈張鐵夫及壽其尊人曲塘丈詩尤工

名流當代推袁虎江左聲華冠一時好色多情才

子筆比頑侮聖鉅公詩不教忠愛追居易祇喜輕

狂比牧之底事後生爭放效至今猶震大名垂

別裁僞體近風騷賦就隨園漫興豪馬帳裙釵參

毀譽謝山絲竹襍譏褒集中有和隨園漫興詩四首中一聯云馬家絳帳參

山半竹絲妄言金粉三生幸可是煙花六代遭

賸馥殘膏誤人甚埽除賴有雅材高

夙好齋詩鈔

卷十七

无

假館湖濱十度秋硯田滋種少豐收代耕況味憐

雞肋食肉功名讓虎頭青眼交情曾遇阮絳帷生

計總依劉君時館詩人馬半園家今半園已亡知君舊夢難忘處多

在蒼葭白露洲

續論 本朝詩家及吾鄉宗派復得四首

再寄秋濤

開國方新 文治隆嶺南江左盛詞宗荔裳尚白

遵唐軌秋谷他山躡宋蹤異地王朱稱絕代並時

潘堂邵門記登峰曲高更有迦陵在授受黃門嫡

派逢余少時欲選定施宋王朱陳潘邵沈爲國朝八家詩鈔末就

主持風雅說靈巖偽體親裁衆美兼高格欲追開
寶盛洪雅存編脩稱歸愚詩爲開寶體見更生齋文集偏鋒肯落宋元纖

鼓旗不愧堂堂陣紀律真同將將嚴一自趙袁
齋袁

輓近詩人徑術芬君誇三子獨超羣卷施逸氣吞
江海陽湖洪亮吉潼梓名篇煥日雲遂寧張問陶仲則才高

年苦短武進黃景仁澹川幅狹力彌勤嘉興吳文溥品題一

一皆真確老眼無花息衆紛君極稱黃洪張三君詩而以南野堂詩爲

功深力小良然不作長庚吳太史光死唐代宗風漸寂寥

石樵嚴大令允肇風好齋詩鈔

卷十七 三

崧老嚴大令遂成派元山谷近諭翁沈太史樹本格自子瞻

饒力開生面推南雪吳孝廉蘭庭苦貌前賢晒海樵姜山

人虬可惜吾宗騷雅手蕪香遺製半零凋秋室家

庫絲冬日書感寄示黃生在中三首

迢遞鄉園魂夢通流傳消息致相同披來一領衣

痕素銷盡三條燭影紅蕢藜有因登綺席蕙蘭無

藉委荒叢只應月白風清夜雲外天香挹桂宮

南轅北轍總蹉跎壯志空懷奈若何矮屋不嫌陳

跡少自發卯送辛巳試一十四回青衫祇覺淚痕多胸中鬱律

焉能平去 筆下縱橫尚可羅錦繡珠璣須盡吐肯
令歲月坐消磨

自嘲齒落鬢鬚斑差幸星芒筆不乾一鶚排空毛
質健萬牛回首棟材完君知觀海難爲水我謂登
高在造端朽腐神奇應自化陳言務去好追韓

夙好齋詩鈔

卷十七

三

高吟欲學海潮聲
自出剌言後
未敢自誇
黃鶴歸來回首時
林穴深吟
曉鏡孤
大澤無
日
餘
空
手

說餘平
去
筆
下
縱
橫
尚
可
羅
錦
繡
珠
璣
須
盡
吐
肯
令
日
月
坐
消
磨

夙好齋詩鈔卷十八

歸安楊知新元鼎

梁園集四

此卷俱和孫秋濤楚游詩而作

甲申下

和丹陽道中晚泊次元韻

棧櫂綠楊外盈盈水一灣未攀京口樹已失晉陵
山雅覺思鄉切何愁得句慳丹陽今夜泊不寐聽
潺湲

和舟出京口縱眺有作次元韻三首

勝絕南徐是快游一天風景爛迎眸征帆夾岸凌
晨出漁火沿江際晚稠浮玉雲開空翠落海門日

夙好齋詩鈔

卷十八

一

涌怒潮流幾時共極登臨興振策高峰最上頭
足跡當年僅臥游於今始得縱吟眸瓜洲渡遠帆
檣亂多景樓空煙火稠接地風雲平野闊兼天波
浪大江流舊時歷歷經行處讓爾新詩出一頭
一出中門便當游况經千里放星眸中冷泉畔漁
簪集北固山前估客稠五馬浮江餘半壁孤臣擊
楫正中流祇憑天塹分南北落日蒼茫古渡頭

和黃天蕩次元韻

風平潮落見龍鼉側想扁舟瞥眼過名士中流聞
擊楫英雄敵愾記揮戈山川歷歷都成畫煙雨年

年有荷蓑總爲時清江失險兼天誰起浩洵波

和春盡日阻風金陵擬尋鳳凰臺雨阻不

果次元韻二首末首雜用元韻

風帆葉葉滯津關有客尋芳意獨閑三國雄圖仍
蔓草六朝遺恨只青山臺空鳳去全無色雨暗煙
迷莫破顏安得同舟如李郭與君直上共躋攀
謫仙曾此駐雲關倚醉狂吟態度閑分白鷺洲餘
二水落青天外見三山有情欲極鄉園目無計能
開逆旅顏微雨廉纖溼衣袂高臺何日得追攀

楚尾吳頭幾度攀多將名勝澆愁顏白門煙雨春

夙好齋詩鈔

卷十八

二

無賴桃葉鶯花客自閑舊夢尋來半蕉鹿新詩神
助得江山游蹤到處畱題徧歷歷巖程與水關

和晚霽登西梁山次元韻

西梁何處是雨後畫圖開風送帆聲駛人隨雁影
來暗泉疑走蜴惡浪駭奔雷欲極鄉關目層厓尚
有臺

和登琵琶亭次元韻二首

亭前孤客到江上暗潮生空有琵琶號曾無弦管
聲楚吳原接壤元白舊齊名覽古思仙樂知君旅

次情

晚飯扁舟泊登臨百感生依然看月色宛爾聽秋聲壯麗南朝鎮風流司馬名茫茫千載後詞客獨餘情

讀秋濤琵琶亭詩賦贈二首

江頭送遠別愁添一曲琵琶恨暗緘此日孤亭臨赤岸當年老淚灑青衫荻花全白潮初落楓葉微紅月半銜風景蒼涼如舊否三秋有客駐征帆吳頭楚尾路悠悠偶爲名賢勝蹟畱水檻只聞三弄笛津亭誰唱四弦秋

蔣心餘編脩有四弦秋傳奇卽譜琵琶行詩中事

風好齋詩鈔

卷十八

三

湓浦何如遷客住江州

和過赤壁擬游不得次元韻

揚帆風日利未獲遂佳游尚憶東坡老才名冠九州青山邀客賞皎夜賦詩酬煙月今猶昔儻然滿一舟

和由漢川泝竟陵道中卽事次元韻

春水漲三篙縈紆力倍勞波流漢川急地勢竟陵

高四野喧鉦鼓千夫響桔槔

秋濤詩注云襄河一帶屛水者必擊鉦鼓

唱歌歌聲與桔槔相應

孤舟添旅思空自對松醪

和仙桃鎮月夜聞笛口號次元韻二首

愁鬢逢秋色 鄉心對月明 孤舟淒絕處 玉笛暗飛聲
此夕仙桃月 徧於旅次明 那堪三弄曲 樵悴作秋聲

和題范白舫花笑廡填詞圖次元韻四首

蹤跡猶然水一涯 故鄉千里望中賒 可人只倚無

言石多事 奚來解語花 按拍偶思翻笛譜

詞名蘋 當杯誰共惜 年華湖山舊隱長 拋卻愁聽江

聲走白沙 白舫現 容漢上

韻事拈來石帚同 新詞譜出玉田工 掃除北里南

風好齋詩鈔 卷十八 四

中調饒有三湘七澤風 月下望秋吟鬢白花間度

曲醉顏紅 嗤他苦學蘇辛 派邁往徒誇氣似虹

瀟灑襟懷迥不同 倚聲會寄木蘭工 尋芳颯爾沾

林雨消夏 冷然坐竹風 靜細愛吟春草碧 詞闕名 粗

豪不唱滿江紅 摩挲豔筆疇相似 積翠光中絢采

虹

騷人冷澹是生涯 蕉葉填詞興尚賒 陳其年有填詞圖身坐蕉

上庭際 閑吟常撫竹 坐中微笑獨拈花 煙蓑雨笠

遲歸計 酒熟茶香 感歲華 想到淺斟低唱 候一痕

新月映銀沙

和題白舫詩夢圖兼以寄懷三十二韻一

昔聞康樂公詩思苦不續晝寢夢蘧蘧惠連忽在
目覺來韻重拈滿眼吟情足池塘轉光風春草萋
以綠園柳散清陰鳴禽媚幽獨又聞西堂翁曾著
秋夢錄地偏名偶同非躡靈運躡今君爲此圖詩
夢亦云淑厥夢訊維何儵然在疎竹

君取近人詩
夢到深竹

此句寫

美蔭覆檀欒濃翠滴膏沐脩林煙霏霏碧徑

風藪藪南窗一枕酣東日三竿旭欠伸神乍醒點
綴吟頗速冷泠紙墨間骨格殊不俗得非王子安
蒙被稿成腹墨汁飲三升詞源涌萬斛或是李青

夙好齋詩鈔

卷十八

五

蓮妙筆仙心伏天姥恣夢游高吟震林木君詩法
孟章雅志祛繁縟聰明冰雪懷愛此琅玕屬古色
與古香飮領隨所欲有時風雨來秋聲殷茅屋鶴
夢入清涼蕉心展卷曲我欲誦考槃諷君返薏軸
碩人有澗阿耽幽恒獨宿冥心驚太虛遐思寄空
谷無端廿載游泉石盟屢瀆漢上託孤蹤身與浮
雲逐冉冉老將至棲棲名亦辱詎讀萬卷書尚貪
一囊粟爾音久若金言念温如玉何日賦歸來舊

夢圓松菊

和流清亭題壁次元韻二首

亭在荆門
州西郭外

飛泉漱玉韻冷冷溱洧清流清遜此亭一徑松風灑
衣綠四圍山色撲眉青濯纓雅許祛塵鞅投石無
嫌起雪翎閑坐夕陽幽興足不知身世似飄萍

出郭尋幽勝畫屏好風吹送到孤亭
看碧沼心俱翠
夙愛名山眼亦青
點水蜻蜓非著翅
依枝鳥雀自梳翎
為耽佳趣忘歸暮
手撥澄潭數點萍

和登東堡山覽荆門州城形勢二首第二

上流筦鑰首荆門天設雄關絕險存
二水波濤接秦蜀孤城形勢控襄樊
高岡鳴鳳聲相應猛虎磨

風好齋詩鈔 卷十八 六
牙氣欲吞東堡山頭縱吟眺壯懷磊落與誰論

地有虎牙關在城南三里許今名鳳鳴岡見秋濤詩注

一笑相看斗大城
千秋門戶重蠻荆
浮香亭畔蛾眉峙
州西蒙山雙峰對
峙如蛾眉
斑竹岡前煙雨橫

州東有斑竹岡 仁風蒙 帝力早銷金
甲事春耕復隍不用熊羆守
好賦新詞頌晏清

嘉慶初州地為教匪出沒之所屢經戒嚴 和續題流清亭次元韻

清寒勝境少氛埃
前度劉郎得得來
為愛泉流通

碧澗不辭展齒點蒼苔野花落處多隨水山翠飛
時盡入杯好似觀魚濠上樂曲闌倚徧尚遲回

和全忠祠弔古二首次元韻

元注云祠爲明李闖難殉節諸賢建中
祀知州夏縣盧公學古司馬烏程沈公
芳學正黃州張公效芳訓導黃岡程公
之奇暨諸生黎性醇等二百餘人事詳
荆門志

擬將一手障南東力扼荆門有數公卽死何辭擐
甲胄致身那恤斃弧弓恩深養士呼高帝志取成
仁殉類宮立懦廉頑足興起聞風異代歎孤忠

時危戰苦陣雲屯捲挂殘疆那可論狂賊名應儕
夙好齋詩鈔

卷十八

七

磨蟻諸臣命已付招豚糧空枉自呼庚癸援絕誰
曾慰夢魂今日崇祠光祀典千秋俎豆雪銜冤

頌闕吳巢松學使鳳巢山樵求是錄綺集中亦
有全忠祠詩序云張獻忠陷荆門州牧盧學古
率其屬及州之諸生凡一百六十九人同盡節
於象山書院後卽其地建祠以祀日全忠祠與
元注中所引州志小異得
非所云見聞異詞者耶

和掇刀石覽古次元韻二首

秋濤來札云據荆門州志漢壽亭侯守
荊州時曾經駐宿此岡以刀插石因以
名地後入卽其地立廟顯宏敞兼有碑
志離州城十五里志書載有圖繪極可

威名蓋世仰人豪聞說當年此駐旄颯爽英姿思

復漢輪囷義膽官降曹滄軍不愧擎天手裂石爭
看偃月刀遺恨吞吳成失計靈風噴薄震江濤
超軼羣倫氣儘豪中原父老望旌旄雲車風馬皆
公馭腐鼠孤豚笑汝曹廟貌千秋尊毅魄天心萬
古護神刀山頭定有精靈過落日長松起怒濤

和普惠洞次元韻二首

爲尋巖洞去雲磴踏千重幽澗淙潺韻蒼松偃蓋
容花香叢曲徑石色秀孤峰不覩高僧面

謂懶永庵

懷塵外蹤

嘉名聞普惠累石勢重重洞口寒煙影山巔翠竹

風好齋詩鈔

卷十八

八

容白雲依古樹斜照澹遙峰羨煞探幽者翩然出
世蹤

和琴亭次元韻

秋濤注云在普惠洞左巖高僧懶庵鼓琴處

巖左老僧去素琴誰復張似聞廣陵曲猶帶旃檀
香蔓草亭邊綠羣峰檻外蒼跣跡何處跡搜覽到

斜陽

和九日同人登高仍用杜韻

客裏愁腸強自寬良辰攜酒共追歡童心直欲親
簪菊豪飲無嫌笑墮冠煙暝漁舟頻唱晚風高雁
陣早驚寒吳山越水今何處落日蒼茫天際看

數畝高僧住當春半揜扉一窗紅雨暗三徑綠陰
肥孤榻坐來久妙香聞處微叩門逢客到款接思
依依

偷閑時一至心跡覺雙清戶外青山秀階前白草
平伊蒲見新饌瓢笠記前盟方丈蟬連語翛然出
世情

和同人游白雲洞次元韻

秋濤注云中
有石刻呂祖師像

仙蹤何處是一路共經行蘿磴疎還密雲關暗復

明泉源林氣煖石骨露華清載詠松高句
元詩有云松高

風好齋詩鈔

卷十八

十

鶴夢清輕煙縷縷生

和由白雲洞後上青龍觀次元韻

迢遙尋傑觀迤邐上高峰爲愛山容翠何愁雨氣

封
元注云時天將雨游蹤詞客健病榻老僧慵聞說禪心

定年年制毒龍

和冬日同人游淨業寺二十韻

荆門住經年未獲窮山景今晨挈伴游迤邐度岡

嶺沿途衰草黃入耳寒泉冷野篠厓際疎巖花磧

邊靚前奇足屢延後勝目思逞岩堯邱壑間宛拓

招提境瞻宇共欣奔到門只俄頃廣殿聽行蹤回

廊息塵影剔薜讀殘碑據梧啜苦茗篆煙空庭臯
鐘聲深院永遙睇渺雲樹近矚粲畦町禪悅未解
參方丈容造請老僧展殷勤蒲饌設精整蔬筍味
徧嘗空色義兼領貝多披紛綸優曇現虛靜閑聆
一日談恍示中宵警落日下山椒炊煙生寺頂惆
悵別精藍心遲步不騁茲地遂幽棲足令凡俗屏
結夏擬重來澄懷散清迥

和重過五湖書院與髻公語舊有感次元

韻二首

禪房曲徑喜通幽潭影山光自古畱滿院寒香梅

夙好齋詩鈔

卷十八

十一

放早隔簾叢翠竹生稠湘江去後多離思婁水歸
餘動別愁

秋濤詩注云辛未春屢借呂丈淥汀張大亭村過此今淥汀歸婁水亭村客湘潭

剩有籠紗佳句在拂塵還與誌重游

精舍重開事事幽蒲團曾記向年畱蒼藤繞座條
猶翠碧樹依簷葉更稠鳥語茶煙懷舊雨鬢絲禪
榻起新愁閑同老衲支頤話今昔茫茫似夢游

和夜泊新城襍用元韻

巖際月華生舟行欲四更浴涸傍漁火次第聽雞
鳴黯澹楚江色漂搖吳客情前途何處泊約略是

新城

題春宴觀劇柬諸同座詩後亦如元詩之

數

妙舞清歌昔昔鹽新詞旖旎似香奩恍從綠酒紅

燈裏一隊濃妝出畫簾

秋潭吳王香雪王賞音儔見慣司空定不差何處武

陵春色好更憐小謝足風流

元注云聶美武陵人謝鳳不知何許人爲

吳王兩茂才所眷賞

南部煙花意態深回波聽罷自長吟雪兒歌與紅

兒舞消盡筵前作客心

客中安得酒如淮枯坐難將旅悶排綺語強裁聊

夙好齋詩鈔

卷十八

十一

復爾不教人喚左風懷

選舞徵歌昔未曾偶來官閣踏春燈山謳村笛難

爲聽那比荆湖弦索能

去歲元宵署中亦曾演劇

吳歛崑曲夢徒勞柳子新腔調不高回鶻襄成都

一例更無人似鄭櫻桃

密邑素無崑曲演劇者名爲柳子腔參軍老鶻色目

雖殊大都皆醜陋耳

和登黃鶴樓二首第二章次元韻

攬勝爭傳黃鶴樓楚天雲物望中收離離若薺隄

邊樹縷縷生煙水上洲壯觀胸襟開萬古高空形

勢擅千秋青蓮不敢輕題句爲有名篇在上頭

把酒憑闌喜有君滿江春水碧
汙數羣沙鳥逃
煙渚千里風檣帶暮雲
西上地隨荆岳遠東流天
入楚吳分客中無限登臨感
粉壁揮毫日欲曛

和泊漢口舟中望大別山作次元韻三首

大別山前幾度過孤舟
晚泊意如何明朝又向襄

陽去

時秋濤將之襄陽

落葉不如離思多

茲地曾經一再過
風帆渺渺奈愁何
生憎隔岸山

頭月偏放清輝此夕多

漢陽雲樹忍重過
無限離情可若何
蘆雪菰煙今

夜宿不知窗外月明多

夙好齋詩鈔

卷十八

七

和小暑日同人漢臯樓宴集四首

良朋簪盍在高樓
美景欣看指掌收
夾岸黛山迎

客面隔江雲物散
羈愁地空不礙千鍾醉
境冷偏

宜六月秋惆悵
遺言棄交甫
當年親值水仙游

解珮何年築此樓
河山千里坐中收
好風過處應

忘暑清酒斟來亦解愁
雪藕調冰娛客地
竹深荷

淨納涼秋斜陽欲下猶酣燕
今日江臯是勝游

二章

次元韻

漢濱神女昔同游
桑海茫茫幾度秋
四座煙嵐入

對酒一江澄碧客登樓
薰風古木秋聲似斜日疏

簾暑氣收豪飲不知身在客拚將爛醉掃閑愁
客中難得是佳游載酒登臨足遣愁江上風帆雙
目盡天邊雲樹一尊收已遲花柳三春節恰稱波
塘五月秋勝地雖殊名不異當湖亦有弄珠樓

平湖縣東南湖中
二章豫用元韻

和同人登峴山次元韻二首

載酒尋芳逸興同相攜詩侶上嵒嵒風帆沙鳥江
頭逝竹樹煙雲嶺畔通空翠忽霑游屐綠落花偏
點客襟紅一天詩思歸何處林外斜陽犢背童

高步峰巔趣不同危亭蕭瑟石龍從千秋勳業浮

夙好齋詩鈔

卷十八

十四

雲過萬里風煙極望通無恙幽芳環澗碧依然古
登瀉泉紅殘碑有淚何人墮剩守荒祠一道童

又次趙悔廬韻四首

名仁基字厚之陽湖
人詩見秋濤楚游集

振策登臨悵未同焉知巖磴迴盤空荆湖渺渺征
帆外江漢迢迢望眼中

王午初夏會
自京口濟江

雙屐有時登

峴首一尊先擬醉羊公吳興亦著襄陽號指日題

詩付便鴻

襄樊形勢古今同把酒興懷往事空割據三分煙

草裏關河千里夕陽中銘功沈石悲元凱采藥登

山羨德公何日訪君檀水上孤亭共倚數歸鴻

闕

廬現客
楚中

攀林踏閣幾人同豪興如君信不空隱約銅鞮中
寫下蒼茫雲夢指麾中壯觀天地偏遺我放眼江
山幸有公準擬相隨重攜酒探奇並作雪泥鴻
放懷今古與誰同每過臨觴望遠空身在中原文
物地神游三楚畫圖中菟園雨雪淹枚叟春草池
塘夢謝公欲與前賢論著述名山事業正龐鴻
無言會 和大別山尋桃花夫人祠遺址仍用真韻

幽尋何許著閑身大別風光載酒頻芳草已非周

風好齋詩鈔 卷十八 五

代綠桃花猶說楚宮春祠荒不復來行客像廢何
由酌美人惟有山前江漢水千年流恨繞荆榛

無言有恨果何因兒女成行獨愴神皎月篇中蘭
蕙質細腰宮裏綺羅身花容底事能傾國珠淚猶
難忘 去 襲鄰卻怪荆蠻狂令尹欲將萬舞壘夫人

聞荆門州有荆園一區其地最爲幽勝中
有陸子講經臺及蒙惠二泉尤著名於

時因和秋濤詩遂分詠之各一首

陽明講良知發源由子靜人去古臺荒遺言誰猛

省

右講經臺

剝果與蒙泉微參發生義始出流正清湛然見心意

右蒙泉

錫山出名泉家家儲作酒慧惠音則同佳釀何無

有

右惠泉

夙好齋詩鈔

卷十八

共

右講經臺

右蒙泉

右惠泉

夙好齋詩鈔

卷十八

共

夙好齋詩鈔卷十九

歸安楊知新元鼎

梁園集五 乙酉

正月初九日得廣濟張南山明府書十六

日雪窗賦此卻寄兼寄順德黎仲廷香

山黃子實陽春譚子晉四十韻

我家浙西君嶺南相距奚啻三千三聞君健筆夙

超軼天馬歷塊行趨趲先以乘韋不自揣胸中脈

脈情猶含愛才如命出天性非好聲譽成狂慙光

風轉蕙一何好吹來天末瓊瑤函發函伸紙讀未

夙好齋詩鈔

卷十九

一

畢急呼浮白傾芳甘論文談藝徹元本箇中人語

誰能參雍容詞氣識雅量叔度千頃澄陂涵龍坪

行館誌時地門外咫尺波潭潭

來書云書於龍坪行館門外咫尺即

大江也想君落墨開笑口朋來自遠心應耽我生尚

友只鍵戶僅飽故紙稱書蟬偶來予舍非就養欲

向嵩少窮幽探青鞋布襪百不具三年曾未窺精

藍中原自古盛文物英靈間氣餘清酣如何近日

變荒陋自檜以下無譏談

密邑爲古檜子國

蕭齋兀坐不

踰限人跡罕至同僧庵時時憶君發遐想直欲命

駕游漢南黃州名勝冠三楚昔賢往往抽朝蓂臨

臯赤嶼饒賦詠江山風月閒人貪

東坡云江山風月本無常主閒

者便是主人

喜君風雅劇好事後先輝映堪齊驂公餘

退食一不嗜惟玩墳籍資研覃訪君官閣縱談笑
兼臨江水登煙嵐裏糧一往足清興絕勝斗酒攜
雙柑經歲鬱律抱虛願宵來魂夢徒眈眈側聞粵
東富詞藻南戒毓秀非邾邾芒洋巨海孕靈怪巉
奇五嶺羅榭楠挺生哲人壓中土追逐李杜功誠
堪卽如君友有三傑僕指首數黎黃譚堂堂詩格
追正始見賞宗匠

謂翁輝二公

我舊譜四家才力正相

敵笙簧鼓吹皆無慙聞聲相思近十載那能行李
風好齋詩鈔

卷十九

二

擔都籃清風朗月想元度上下千古齊劉惔道遠
識君苦無自祇憑尺素舒帖誦今年江春已入舊
料峭寒意凝松龕園中早梅逗馥郁庭前暗柳催
青甃霏微雨雪不肯止獨客偃臥如僵蠶忽然興
到著篇翰懷人況味滋醴醴尊酒款曲事難必壙
篋倡和意所姚酸鹹嗜好本異俗芝蘭氣臭眞同
醢緘詩因君問消息佇聽妙曲歌何戡

長歌再寄粵中黎黃譚三君兼呈南山明

府四十二韻

故交落落晨星芒風徽典則皆淪亡中年求友過

飢渴六十始邁番禺張離羣索居獨深念奈何失
卻黎譚黃操觚不嫌語率爾長歌一篇聊寄將雲
山萬重煙水闊粵瓊間隔心茫茫北雁南飛鯉東
逝不知何日臻君鄉我昔聞聲自憚氏大雲二字
標山房得窺竒文竟首尾三君姓氏傳芴考班班
事蹟復可考粗陳厓畧聽者詳黎子善琴嗜篇翰
十年作吏稱循良鷺湖開講紹朱陸文學飭治聲
名彰一朝棄官返桑梓高懷雅量非尋常交游方
外得江月

海幢寺沙門名

海幢吟賞資常羊聽雲名集實

譚子似幻非幻不可方古有聽雨與聽雪近有聽
風好齋詩鈔

卷十九

三

月名相當蕭閒寥闕足興趣清韻往往鳴鏗鏘南
園二家創厥始

明王彥舉名其集曰聽雨黃庸之構聽雪篴名其集曰雪篴君

今繼起詩才昌黃子家世邃理學稱詩獨擅騷人
場香石一集競膾炙勝情遠似浮瀟湘波瀾滌澗
勢蕩漾風行水面生文章銜華佩實并深造與儒
分習事乃臧鴻才卓犖鼎三足宗工哲匠俱稱揚
我信子居語非妄雜誦序記聲琅琅

大雲山房集中有聽雲香

石二詩鈔序及同游海幢寺記

頃與張子通尺素聽松未挹旃檀

香三家道遠更難致中宵魂夢徒旁皇慨自友道
壞末俗量交勢利爭趨踰文字賞音不易得况乃

氣誼增慨慷投桃報李笑童角贈縞獻紵希承筐
古人結交志永好各全終始期無忘東風幾度吹
漸暖梁園明媚饒春光原艸芽青麥苗秀蕊綻梨
杏絲垂楊枝頭翩翩集好鳥嚶鳴巧弄如笙簧感
時撫景動遐跂物猶如此人何傷管聞素心樂晨
夕陶令卜宅南村莊文聞相思輒命駕張范置酒
歡高堂如何裹足不踰境坐令海內失老蒼峻極
崧高地中峙巉巖越嶠天南長安得羽翼生兩腋
四方上下隨風翔美人迢遙各天末五千餘里空
相望情長語重述難罄那能對酌傾中藏吟成亟
夙好齋詩鈔

卷十九

四

向季鷹遞雄風江漢何泱泱君家舊雨倘無恙作
書報我溱洧旁

二月二十八日得南山明府報書賦此再
寄兼寄孫秋濤項城四十韻

清明已過餘春寒飛霰浙瀝飄無端是晨微雪晚晴忽

聽噪簷鵲尺素來自荆江千上云君詩寄稠疊議
論豁達披心肝下云屬和苦鮮暇風塵案牘終朝

攢余時據案將舉箸尋文再讀飢忘餐拙詩少壯
尚嚴謹唐格持作宜僚丸中歲以後喜雄放子瞻

務觀去紛波瀾長歌往往軼正軌機杼自出篇幅

寬下筆千言畧裁制欲窮天宇游汗漫貪多好盡
不自覺故交零落誰譏彈惟餘孫子近客項清言
如屑霏旃檀頻年結習難遽返滔莽敢謂心所安
新知得君雅愛我不遠千里貽金丹文如穀米詩
酒醴能令醉飽饒清歡飲者見酒不見穀糟魄已
去精華完譬如良工造爐冶金銀銅鐵鎔成團又
如庖人善烹飪酸鹹甘辣調千般吸海入壺富包
孕縮龍成寸工結蟠數言皆來書中語奇旨創造名語出

千秋至論垂不刊斯人端合鑄金事少伯伯玉偕

檀藥

元遺山論詩詩合著黃金鑄子昂

惜哉纒膠少十斛未能遣

夙好齋詩鈔

卷十九

五

致供敦槃

用廣韻

味之不盡有同妙君身仙骨何珊

珊宏才應早入詞苑木天高處棲鴛鸞奈何屈首
就外吏簿書錢穀堆叢殘致令吟詠事多阻讀書
心鬱吁可歎同心之言一何好芬芳氣臭猶芝蘭
多聞直諫一朝邁徑開三益招盤桓道遠握手尚
無日楚豫渺渺述煙巒杼柚只倚管城子那能披
腹呈琅玕願取君書置座右時當監史箴銘看孫
君前語合符節相期不朽資研鑽自今賦詠必簡
鍊放言莫似風檣竿卷舒繁簡貴宜稱短長高下
多屈盤及其皆醇乃大肆氣猶盛水聲和鑾一篇

警策不易得陳言務去庸辭難掣鱗碧海閃雷電
摩天巨刃揚風湍晉隴上歌七尺大刀奮如湍頽頽身結飛霞

珮七裏不著憑扶搏刺手好拔鯨牙利舉瓢更酌
仙漿溥奇險幽破鬼神膽渾古上嬾般周鞏橫空

盤硬力排鼻追逐李杜功齊韓

書明宋誦壬子秋過元故宮詩後

麥秀漸漸禾黍生當年畿甸是燕京遙山歷亂清
秋色落日蒼涼故國情江左哀深庾開府通天淚
灑沈初明可憐一種興亡恨瀝盡陽關腸斷聲

題南山明府詠史詩後卽效其體

風好齋詩鈔 卷十九 六

張夫子工詠史四千餘年一彈指義嚴袞鉞詞風

騷獨闢蠶叢追正始君不見松陵吳赤溟又不見

茂苑尤西堂明史樂府俱百章歌出金石聲琅琅

近今作者陽城張身既逝矣琴亦亡七友陽城張晉字雋三著

有豔雪堂詩鈔又續詠明史樂府百章別爲一集以君方之殆有過豈曰

協律眞未遑君自序云方諸徒歌未遑協律每當風晨兼月午茶

熟酒香闌庭戶家僮婉轉歌一聲傾耳迥然節入

古又云每當風辰月午酒香茶熟童子發歌傾耳莞然後來視今猶視管家

家自謂荆山璧一朝拂拭遇知音雅鄭分明終不

易諷君詩清且佳問先哲孰可偕前鐵厓後西涯

乙酉夏五徐玉厓以長律二十四韻見貽
率賦奉訓亦如原詩之數

檜國閒居日風騷孰與論雙魚來浙水尺素到黃昏
昏手把封題驗心知異寶存三倉窮閭奧四庫抉
籬藩快作珠璣吐全消鍼綫痕朗吟資擊節奇句
覺驚魂老我蹉跎意多君鄭重言抒懷徒落落得
縷詎元元碩學淹今古鴻才徹本原賢書登上第

世澤萃清門

君家自高祖賴村公後五世翰林爲德邑名門之冠

修吉宗傳

遠西灣德望尊流風光奕葉食報定兒孫復始公
侯奮爲儀鸞鳳騫如何經獻納仍復混瑛璠屢致

夙好齋詩鈔

卷十九

七

雲程阻難追驥足奔陶陰猶惜寸董目詎窺園絳
帳談經數青藜照讀繁高應探月窟邃欲躡天根
道義渾無盡文章自有源趨庭聞古訓謂尊甫館庵述

祖念前恩況也兼難弟

謂哲弟森玉

誠哉配哲昆洛如

花爛漫書帶艸翩翩射策期來歲聯鑣達

帝闈晚成皆大器翔步繼蘋村

前詩未盡所懷復綴二律寄之

餘不溪邊客才名似震川書曾搜宛委詩已變幽

燕來詩宗浚浣花節頤帶幽并壯烈之氣

朔北劉琨舞中州祖遜鞭

春官曾十上兩髯欲華顛

少日嫺庭訓周旋本義方眞傳湖詩禮餘事擅詞
章寄我新篇好知君舊恨長殷勤念溱洧厚意可
能忘

來詩

德清徐仁本 玉厓

大匠崇規鈿羣流問後津髮蒼文益健襟遠道
彌親蒐古窮經史摘華邁等倫錦梭驚脫手琳
軸動隨身浩蕩胸如海飛騰筆有神門才皆吐
鳳弟子亦振麟

聖代資英傑名儒列搢紳如何絆雕鸞卓爾勵松
筠飛鳥方臨卽安車偶涉溱誰知就榮養猶念

夙好齋詩鈔

卷十九

八

賦嘉賓太室千峰雨龍巖萬木春地鍾亢角秀
材識杞楠眞洛下風猶古關西學最醇近聞開
講席會見得奇珍茗水會趨謁雲亭有夙因異
書容借讀會借鈔鄭止哇先生湖錄數卷班鬢忝垂詢舊侶皆
纓紱迂儒但隱淪循陔心惻惻挾策走踈踈慷
慨登車日淒涼泣玉辰贈袍誰識范錐股恥爲

秦兩度煩青簡經年滯素鱗

癸未夏秋間兩辱平書時本由都門

東襄南返抱病纏縣致缺函復

投詩猥見寵

札中有懷人結款八首寄示

若爲申洧渚雲常隔龜溪漲又新臨風尙相憶

元艸寄頻頻

再寄徐玉厓昆季兼呈老友館庵末章有
懷倪氏山亭四首

千里中州道三年吳下蒙伊人渺天末芳訊忽來
通壯烈幽并氣溫文禮樂風君詩體兼備高步擅

江東

令弟今時傑雄文壇坵張似聞前度試未挹桂枝

香

御苑秋將屆槐街踏正忙

京師有槐市斜街

佇聽三賦捷

金帖燦華堂

卓爾名家韻經皆四世傳門風超百氏元學絕三

夙好齋詩鈔

卷十九

九

編潔淨中庸說

館庵者有中庸說

疏通國語箋

南溟董君慶千著有

國語疏一書數年前會以稿本屬館庵刪補

幾時遂披讀心目兩昭然

邑城雖斗大中貫有清溪柳浪排空綠漁歌唱晚

婁市欣朝夕近門覺水山齊愛煞倪亭好何年酒

重攜

邑中倪氏山亭幽勝第一已未盛暑中曾偕友人寓茲旬日

密署新秋寄送家鄉諸親友及諸學徒秋

賦武林共得十二首以成詩之先後爲

次末二首則赴金陵與京兆者也

朝夕披吟手不停遙知霜刃發新硎度包千頃人

如玉能擅三長筆有靈鳳入雲中雙闕迴曲終江

上數峰青王錢遺事君能記努力風簷湖典刑

聞秋中夜蹶然興露白天高爽氣激烈士何甘伏

櫪死雄心猶記射鵰能不逢校獵誇楊意安得阿

房誦武陵老我蹉跎今已矣期君壯歲早飛騰右贈

黃生

三年望斷武林煙一夕秋風思渺然識路徒教稱

老馬渡江終讓著先鞭地開北苑千山畫人踏西

冷八月天石帚新詞真絕調料應題徧缺瓜君

詞最 右贈管

兩到雙丁舊擅名長城父子最關情交如羣紀之

夙好齋詩鈔

卷十九

十

間久味向酸鹹以外生對策直堪齊賈誼說經端

不讓楊行桐花咫尺丹山路雛鳳清于老鳳聲義山

句 右贈丁卯君及

客中頻接故園書惠好知君意有餘卜築四時延

野綠開簾盡日對江虛君近歲遷居蓮莊無邊煙雨宜揮

翰以此溪山好讀書丹桂飄香期不遠秋來逸興

定何如右贈高韻亭

侍中經術邃如何大小宗傳永不磨恭儉早知聞

禮久溫良豈止學詩過青箱事業三蘇貴黃甲聲

名二宋多羨煞君家賢父子古來佳話是同科右贈

戴銅士及
兩嗣君

獵獵秋風起古原輕裘計日出衡門青雲路近寒

儒喜白戰場空烈士存射虎昔年隨李廣聞雞中

夜舞劉琨不堪回首君知否萬事蹉跎總莫論右贈

張卿
華

鄉園良覲久分攜在遠猶然兩地栖人賤藏山非

寶玉君珍開眼得金篦聯翩書公鍾吾北君館宿北廳署

稠疊文來檜國西好祝今秋喬共梓姓名都向榜

頭題君與尊人哲弟並赴秋闈右贈沈初生

執經請業魯諸生兩度文場喜得名此年歲科兩試二生相繼

夙好齋詩鈔 卷十九 士

入學永日垂帷勤講肄高秋聯袂赴題評詞源可已

流三峽筆陳何當掃萬兵分寸光陰須用惜風簷

慘澹自經營右贈沈生鼎文陳生奉峯

聞道今年夏課勤士行心事實超羣花開豈藉宮

中綵風起能生水上文果識窮源應溯宿定看噓

氣必成雲低徊鎖院分簾日莫負長途屬望殷右贈

許婿
崑源

龍文虎脊氣凌霄孝穆才名半壁超片玉已從崑

嶺出一枝先向桂林標三番鸚薦功當就君前此會三登

薦九鍊丹還詣豈遙佇聽捷音江左至為君浮白

賦長謠

右贈震澤徐時泉

分手菰城意惘然萍蹤南北道

書日已是金臺策馬年

五月初書寄海昌君已就道

三禮宗風

衣鉢在學著有禮箋等書行世

木天妙選君家事誦得清芬百世傳

君曾從家幹村孝廉游尊人躬夫先生曾官庶常

右贈歙縣金庶仲

初秋月夕登望崧臺有懷奚榆樓賦寄

南陸三星墮西園一葉流江山畱故蹟天地入新

秋遙憶風騷主定添離別愁蕭然明月夜吟望正

高樓

夙好齋詩鈔

卷十九

十三

懷徐玉匡

之子江東秀終朝手一編游心天地外冥悟古初

前綠艸依窗滿清溪繞舍圓何當重載酒問字識

真詮

聞邵雲槎父子將以孟秋之月自藍田東

襄旋里喜而有作卽以贈行二首

十年蹤跡滯秦關

君于丙子夏赴藍送今十載

每對清尊憶故

山指日藍田雙騎動計程襄水片帆閒

自秦中起程一路陸

行至樊城林飛黃葉饒秋色室貯香醪浣客顏來

歲烏程霜稻熟遲余楊柳碧溪灣

歲歲書來說浪游未能決策返林邱佳兒廢學徒
增痛健婦持家枉費籌作客雖非依別族從林明府卽君胞
兄得歸終是叶良謀遙知衡宇欣奔日消盡胸中
幾許愁

秋日思歸二首

野雲江樹路三千別卻西吳已四年莫怪今朝鄉
思切蓼紅蘋白早秋天

煙柳蕭蕭繞屋疎幽人頗亦愛吾廬廬中貯得三
千卷鎮日丹鉛自勘書

送胡生溫其秋賦大梁二首

風好齋詩鈔

卷十九

十三

侷矣釣州傑論文得古風勺庭本仙骨雪苑豈人
功學海探源遠詞鋒拔地雄稜稜露英爽凡馬一
時空

獻賦逢楊意高才已占先

生壬午閏卷爲大兒房中所薦

槐黃今

再踏竹素昔曾穿文字期傳鉢功名快著鞭贈君
惟一語鵬鶚在秋天

立秋後一日得雲槎書知又有明春啟行

之說爰作此以速之二首

秦豫雖分繡壤連相思兩地每相憐
一秋又向他鄉起千里頻看尺素傳
差喜毛錐同健在惟嗟齒

髮不如前望雲預指歸期好露白葭蒼八月天露本

係秦風

居平蹤跡總依劉筆墨生涯願豈酬本意行程方

密邇何期變計忽句畱弟昆先後堪聯騎父子追

隨好共舟省得年年灞陵岸春風幾度賦登樓王仲

宣詩南登灞陵岸回首望長安

禹州懷古詩二章寄胡生溫其時生讀書三峯山之

金僊寺

金僊寺古絕塵埃山半軒窗四面開借箸閒尋子

房洞舉瓢遙酌許由臺懷人往代誠遐矣覽古清

風好齋詩鈔 卷十九 西

秋亦壯哉更有平林澹如畫五字見元遺山穎亭畱別詩 穎亭

風景足徘徊

金元麇鬪記三峯二將難辭失計同謂移刺蒲阿完顏合達

南阻宋疆依汝水西鄰夏境棄關中風塵翠被京

華隔遺山詩翠被匆匆見魏鞭記金主東狩後事也 烈焰幽蘭戰骨空獨

有當朝好男子謂陳和尙 千秋懍懍見孤忠

贈張南山明府分校楚闈兼寄典試許眞

生宮洗七十韻

張子大雅輪斯文推哲匠英聲蜚粵東名策

天府壯作吏遂一行鳧鳥荆湖上奉檄類毛義通

經匹劉向到卽司校文詳慎嚴宗尚得士非一人
龍頭乃楚望

君房中所中壬午科解元黃名經塾係楚中老明經年已五十有餘矣副

典試趙生謙仲云

褒然居不疑衆各稱允當玉尺善程材

冰鑑無溢量明通兼公溥茲事詎孟浪今歲又及
秋賓興典不曠先期簡屬員大吏屢咨訪僉謂君

也才公正尤堪仗飛符縣道來東門設祖帳詰旦

會首塗貽書遠陳狀余聞蹶然興中懷劇歡暢楚

士幸何多藉君破塵障能文積學流知此先神王

江漢睢漳間山林富寶藏祀梓美固尤皮革珍可

侂元龜錫十朋南金載兼兩包匭貯菁茅厥篚勝

風好齋詩鈔

卷十九

五

織纈三邦貢有名九江產無恙雲夢連七澤組練

輝二廣卿材晉室登楚歌漢宮唱寶善百世師朝

宗萬流仰濟濟羅俊英選掄賴端亮君也固其人

龍門開詠蕩廣設八面絃預戒三軍張丹砂藥籠

甄吉光落盧掠草野有遺賢好之等鬱鬯藻鑑空

人倫一掃庸流謗雅喜宋玉畱肯令屈原放惠愛

先民遺膏馥後人餉大力挽頽波繫君實首創宗

工獲許詢文壇舊飛將雍容步玉堂丰度儼卿相

密勿佐論思周旋多揖讓奉

命典文衡乘傳擢官釀暫輟 溫室直來采荆山

珣前年主豫闡茅茹拔一桁旁門芟軋苗正體黜
允長清逾玉壺冰和比春風益月旦汝南眞林宗
未足抗劫來作楚游夏口乘青舫振衣黃鶴樓放
眼襄江漲風水麗文章日月涵晃漾落帆鸚鵡洲
題詩神鼓盪鎖院閉三旬鴻鈞垂式樣煎茶繼東
坡領畧蕭閒況橘香鳳味新荷老寒潭愴韻事紀
班班于公一無妨白袍鵠立稠絳蠟星羅旺貢品
冠荆衡搜奇過角亢豫州天傑士慶遭逢常才愧
惆悵表里樹風聲障川謹隄防慧眼工知人賞心
定非妄君本余故人詞場互跌宕三院號儲材謂武

風好齋詩鈔

卷十九

七

林敷文崇文紫陽三書
院君與余並肄業其中

粗糲資供養鐘曾寸莛叩

玉爲蒹葭傍雌伏與雄飛一朝判得喪男兒名不
成著述徒覆醬惟餘求友心嚶嚶鳥弄吭清風皓
月時元度思難忘新知遇南山如飢得饑饌二載
結神交多聞更直諒同心每離居誰爲傾腑臆羨
君拔地升青雲高韻頗兩度駕星輶千里商飈颺
皇華旋金臺塗越中州嶂遺我校士篇足抵瑤華

賦

和黃生在中中秋夕闡中對月一首元韻

次首倒叶

五千言寫畢猶賦短長吟三戰留餘勇孤輪鑿此
心清輝供獨賞法曲待知音好景摹難盡徐聽曉
漏沈

綏屋燈方地遙天夜未沈雲山牽別思風月助清
音葦榜三生事鴻篇一寸心文成追賈董輟簡自
長吟

原作

烏程黃寅階柳堂

燒盡三條燭猶堪擗管吟一天明月色百里故
園心異地逢佳節斯文冀賞音驪珠與魚目早
爲判升沈

夙好齋詩鈔

卷十九

七

九月二十二日評次謙兒秋闈詩文畢漫
成二律雜用前韻

樓迴更頻報簾垂思獨沈風雲歸素抱山水入清
吟文字千秋業科名五夜心九天珠玉在揮就望
知音

四度風簷構

次兒赴試省門迄今四次

茲番最賞心高山無懦

響清廟有遺音綠水縈鄉夢黃花伴客吟江河間
南朔多恐雁魚沈

又示三兒一首仍用前韻

絲邈函毫素滂沱吐寸心如何操不律率爾發謚

吟雅鄭難同奏宮商待審音高山有堂奧采入必
深沈

九月初十日閱河南省試錄知胡生溫其
又遭下第作此慰之兼訂來密之約二

山

載披千佛目忽訝姓名無躍冶金仍斂藏山璞未
乎聘義孚尹秋風滋穉穉菊酒少歡娛懷寶光難
捨終須善賈沽

張良遺洞窈聶政古臺荒洞與臺俱在禹州境弔古曾攜竹

尋詩屢著芒壯懷多磊落老境劇蒼涼束筍新篇

夙好齋詩鈔 卷十九 大

富期君讀艸堂密署有靑屏艸堂

陽月十四日閱浙江省試錄知黃生在中

下第并知吾郡中式僅止四人感而有

作卽寄黃生四首

頃得鄉園信方知一第艱焉能跋張鷟只是落孫

山龍闕攀鱗上煙霄綴羽還明珠遭按劍那免起

愁顏

薄俗脩能賤量交勢利崇只知榮晝錦誰解聽焦

桐俊選名難麗寶興望又空定然遭齟齬彈射一

身叢

清遠吳興地文壇膏主盟如何艱遇合寥落罕成
名芹藻都無色山川爲少情幾時秋宴上舉坐占
先鳴

吾黨稱多士斷斷意有餘名遲登冊府器早重
璠璣學海深探討文心妙卷舒素懷裁正意準擬
賦歸與

蘇萊禽密署冬夜戲詠食物四種非如東坡之賦

鳳好齋詩鈔

佳種傳黃矮中州產最良既堪調肉食亦可作羹

湯淡入咽喉潤清回齒頰涼肥甘俱不欲滋味菜

根長

根長

右黃矮菜

朋簪貽野鶩風味勝家雞應取椒蔥綠兼須酒醬

攜乘禽來郭北食品盛湖西

物家鄉美歸心入品題

本係池中質偏來磨土研撒成紅粉細傾入白甌

鮮試攪熱湯進何愁飢火煎鄭州新製好厥貢自

年年

入

右藕粉

此物味元苦惟嵩甘且腴

百合以嵩山產者爲上品

取將新熟

種用備不時需性澹能和胃名佳可繪圖

宋徽宗有百合

圖翻匙成白雪嘗稻庶堪俱

右百合粉

初冬晨起登望嵩臺見北邙一帶山色蒼

潔可愛悠然有感而賦之

木葉脫欲盡空蒼明遠山片霞初出麗衆鳥倦飛

還想象金墉外紛爭玉壁間周齊消戰壘耕鑿野

人間

史載高歡攻金墉城破之又與宇文泰戰于邙山一勝一負又圍韋孝寬于玉壁城不克

玉壁今山西稷山縣

夙好齋詩鈔

卷十九

二

襄樊懷古詩二十一首寄襄陽張南山司

馬時攝篆樊城

寰區形勝首中原三楚雄風自管言秦蜀咽喉歸

鄢郢荆湖牖戶重襄樊從容羊陸交歡地角逐孫

曹割據門襟帶江湖控蠻越古今成敗試同論

景升漢末曾雄踞俊顧高名帝室推坐視袁曹爭

鵝蚌不思許鄴騁驪駉好龍莫致天池物分鼎難

期木馬材徒上層臺望襄沔高歌一曲野鷹來

鹿門借隱羨龐公藻鑑還推司馬工崔石洵懷國

士器孟徐綽有古人風鳳翔阿閣流清韻龍駕飛

雲奮遠空一代奇才丛王佐千秋論定讓隆中

勇畧威名蓋世優前鋒持節督荊州圍樊已遂滄

軍算徙許常懷破竹憂遺恨東吳爭故土傷心西

蜀失元侯行師策自茅廬建其奈天公助敵讎隆中

對云天下有變則命一上將將荊州之衆以向宛洛

晉室吞吳計孰隆鉅平遺奏信功宗出林不畏山

頭虎銜劍惟愁水上龍吳孫皓時童謠巫峽樓船榮錫命

王濬加輔國大將軍封襄陽縣侯江陵犀甲盛訓庸伐吳時杜預軍出江陵凱

旋後封當陽縣侯臨軒流涕崇高讓告廟依然策故封武帝

策告羊祜廟文仍稱故侍中太傅鉅平侯祜

夙好齋詩鈔 卷十九 三

緩帶輕裘峴首臨偶談今古一傷心那知山藉賢

增重翻使碑傳淚滿襟世聯鑣推杜預千秋附

驥笑鄒湛馘人豈是羊公事敵國猶能鑿此忱

圍襄三帀盛氏軍苦戰當年有次倫朱序字廿丈陣

隍勤婦女千秋城郭說夫人躬行西北操神算眼

見東南靖塞塵驅使百餘紅粉力居然談笑卻苻

秦

雄師百萬下南州規取襄陽遂本謀二將旌旗迴

組練八公艸木列貔貅乍看接刃爭拋甲枉說投

鞭足斷流一斬梁成挫洛澗風聲鶴唳徧山邱

浮江一馬歛龍升赤縣年年僑置增僞楚已聞南
郡起蕭梁又記雍州興

襄陽自晉以後稱南雍州

上流勢重懸

軍易西府財雄問鼎能千古地形終不改域中腰

誓到今稱

白馬青絲帝業殘湘東討賊志偏安三分軌止同

千里

梁書元帝紀是時文軌所同千里而近

一目名應笑七官

武陵王紀

傳紀聞湘東王釋傳檄討侯景笑云七官文士豈能匡濟文士焉能擅匡濟庸

才豈足定艱難讀書不識忠和孝萬卷徒誇腹笥

寬元帝紀帝云讀書萬卷猶有今日是夕焚圖書數萬卷遂出降梁元都江陵與襄陽為讎襄

陽引魏師入遂至滅公

夙好齋詩鈔

卷十九

三

岳陽王國本襄陽親導西師入楚湘志復兄讎爰

附魏面誅叔罪遽公梁不因宴犒殲渠帥坐使提

封失故疆太息繞朝謀弗用六州鑄錯恨難量

北史

附庸傳魏于謹平江陵嘗將尹德毅請因設享會斃之不聽既魏人命居江陵而奪其襄陽嘗乃恨

不用德毅之言

造船木柿蔽三江韓賀先聲勢莫當總為漢南成

虎踞儼從劍外下龍驤

隋高祖伐陳命秦王俊出襄陽

後庭玉樹

悲搖落管井紅顏晒慢藏枉向鍾山神蔣帝長城

公是舊君王

蕭梁遺胄色無慙克復思將舊物擔畧定峽中兼

嶺表包羅澤七與湘三時來將帥旌旗變運衣英

雄壁櫬甘逐鹿由天言豈矣江陵元不敵漳南蕭銑

都江陵唐伐之詔盧江王瑗由襄陽道

節度荆南領十州遭兵僅止一城留紛爭夔萬忠

歸峽縣歷梁唐晉漢周堅距疆鄰獲天幸驚心屬

郡詘人謀五代史南平世家唐明宗以襄州劉訓為招討使攻江陵不克別將西方鄴克

其夔忠萬三州季興遂以荆歸峽三州臣于吳上游入宋終難敵不獨乘

虛廟畧優宋太祖命慕容延釗伐楚假道荆南遂襲繼冲取之

南渡何人佐中興兵先五要岳家稱中原根本須

全復百戰經營在一能進取有基憑漢水精忠莫

夙好齋詩鈔 卷十九 三

諒恨思陵獄成三字長城壞從此西陲暮氣增

范葵三路挑邊釁汴上紛紛棄鼓旗南牧遄來蒙

古騎西征賴有孟家師中流已失扁舟濟大厦全

憑一木支南郡初恢將星落臺城羊侃昔同悲

宋元荆豫舊分疆禍起樊城置榷場重利輕防呂

都閩欺君誤國賈平章六年積粟重圍固兩度徵

兵四將心張順張貴范天順牛富誰向上游嚴鎖鑰雄風江

漢失泱泱

楚塞傳烽抵鄂城藩籬已撤敗徵明朝風白雁來

陽邏元伯顏攻陽邏堡南酒紅燈試廖瑩似道客廖瑩中壇巧思既作蘭

亭玉枕復取縮本嵌置
珠燈似道尤深喜之
酖毒宮中獵警御幣金城

下乞要盟師臣受爵當朝賀漫說荆湖已肅清似道

命瑩中爲一書自敘蕭清江漢功傳之闕下

三揚世稱賢相南郡高名山斗齊顧問從容環

左右和衷寅亮共東西太平事業無輝赫元老經

綸擅品題豈似茶陵充伴食湘江州綠鷓鴣呢

武陵才具斗筭多經畧殘疆任莫過上疏但能窺

意旨行軍詎足珍么麼忌盧罔許忠魂白鹿燦終

令泐網羅堪笑孤兒向天籲思將曲筆解譙訶

朱仙敗後駐樊城旗幟漫山對馬經豈有心肝懷

夙好齋詩鈔

卷十九

五

實報徒張壁陳鬪虛形長年玩寇逃征戰末路聽

讒犯闕廷坐使關河襟要地積骸成莽鬼燐青

仲冬三日見新月有懷次三兩兒寄示二

首

一鉤新月露嬋娟霜氣風威欲暮天莫怪思鄉情

倍苦今年只有兩回圓

小樓兀坐正黃昏家有藉史樓文史三冬足討論他日

詞場高戰績好將名姓紀慈恩

夢登嵩山絕頂得一聯云潼關西峙孤峰

陡河水東流一綫長醒而足成之

峻極嵩高冠此方雲根獨立思茫茫潼關西峙孤
峯陡河水東流一綫長放眼人初開混沌舉頭天
不改青蒼職方備志中州勝作鎮偏資華岳良周
職方氏河南曰豫州其山鎮曰華山不
取嵩高爲主山與爾雅所載五嶽名異

唐松雲少府晤別餘六年乙酉殘臘忽以

公事來密相見甚歡畱數日將別去以
五律二章見詒次韻答之卽送歸大梁

四首

官閣依槃澗頻年獨寤歌忽逢佳客至彌覺舊情

多淵博欽前輩鴻鸞記大科漫云握瑜瑾已分老

風好齋詩鈔

卷十九

三五

巖阿

君謬以詞科
人物見推

適屆三冬醮無殊一畝宮談深燭屢跋香永酒頻

中百代歸精鑿千秋秉至公論文得元晏歡喜意

何窮

示我海瓢記知君能雅歌驚濤駭浪裏蜃市蜃樓

君所著海瓢記中事合寅辰歲君于丙寅秋始

忠毅公出洋公沒後復于戊辰冬同功分甲乙科

陳江洲司馬由洋首尾凡三載餘勲賊功次拘墟欣頓擴豈止聽陽阿

紅蓼花深處蕭然瓊堵宮竭來烏戍客君舊居吾

相對夕陽中乍見昔如夢重逢今在公送君大梁

道相憶各無窮

原詩

同邑 唐晉鑠 松雲

宏才驚俗眼妙手擅長歌卅載文場困千秋史

筆多斯堪稱大匠奚必掇巍科白首猶豪興雞

鳴舞太阿

昔踏故園雪曾窺夫子宮

己卯冬走謁為識荆之始

何期殘

歲裏又遇異鄉中落魄誰如我忘形獨有公明

朝一揮手仰止思無窮

題海瓢偶記二首仍用元韻寄松雪少府

大梁

風好齋詩鈔

卷十九

美

渺矣滄溟大蛟龍風所宮壘更宵正永

君兩度出洋並在秋

冬海市日方中飄泊偕陳子

謂江州司馬

廣訓得李公

君言忠毅公雅能詩

少年增識量壯觀興難窮

茫漾無邊處中流且放歌

記中有海上對月放歌一首

水天窮

望遠風浪異聞多

又有蛟門遇颶詩

膽巨應如斗才高未

決科一官今落拓差勝傍山阿

論詩七言長歌一首寄呈南山秋濤凡一

千二百一十八言知不免秦廷君說書

之誚以一時興會所至遂不復刪削云

野夫興就不復刪大海回風吹紫瀾弇州斯語出

自負細審篇什非夸謾四部稿中纍纍數千首惟
樂府變足以稱大觀內有袁江鈴山作譏嘲姍侮
一一詞璘漏以配盧江漢小吏直將談笑醒冥頑
此是五言最鉅麗三百年間壓卷無慙顏七言歌
行自昔有正體三唐兩宋風軌我舊嫻津陽門詩
獨軼格千數百字窮雕鑽玉川先生悲月蝕叩頭
請命涕泗流沈沈任華三篇賦贈甫白旭詩以人
重亦得流播風騷壇數章老橫古罕匹後人踵武
未睹形篇翰青田崛出郁離子二鬼之作筆陳魁
墨穹蒼蟠劉叉馬異逡巡悉退避千古勅敵只有

夙好齋詩鈔

卷十九

七

昌黎韓厥後郭定襄詩名藉甚正統景泰天順間
山王一篇骨格已絕特不若梟與楸樹縱筆落落
超人震茫洋渾涵變態千萬狀文成奇古庶克相
躋攀有明一代數傑作三詩鼎足傳誦無窮禪更
有造邦一巨擘前身金粟本是蓬萊班長短小大
衆體入神妙鳳觀虎視丰骨真珊瑚青邱媯雖二
歌允卓絕如乘鸞鶴縹緲超忽凌崇巒俯視羣峯
羅列總在下那及重霄聳翠壁立萬仞青巘岼此
外屈指雄放家錢唐李擘草閣芟榛菅胡將軍歌
跌蕩頗自喜詩卷可作文章看煮豆酌白酒訓勸

家人歡五十自壽亦不惡性眞流露神明完同邑
凌彥狝淋漓濡染汨汨通潺湲維時北方學者一
山李雷霆精銳其鋒不可干我觀三子奇想落天
表堪執牛耳主敦槃西涯長江行洶涌出沒百丈
飛風湍又有華山之圖靈壽杖倒流三峽萬里波
壽寒詞源浩浩取之永弗竭詩家宗匠名足齊斗
山國初朱十雅能此漢瓦漢鏡諸什垂不刊貫
休羅漢玉帶生硬語突出橫空盤高麗之覆龍尾
硯別開生面唐朱元明還萊陽時有宋玉叔奇趣
橫逸無拘攔棧道初平歌頌賈漢復嗶嗶金石聲
夙好齋詩鈔

卷十九

五

徹層雲端嶺南三家各各盛文藻七古奇崛首推
梁佩蘭誦其賢王愛馬什古致錯落文斑爛日本
刀歌易水歎太阿出匣光芒攢浴日亭邊登臨寫
巨海如見鯨波萬頃其中點點羅煙鬟篁漆出守
賦贈桂林曲星流電掣有似風檣竿千金戰馬注
坡復鷲澗身具神勇歷塊不識險與艱陳屈二子
雄才坐束手何況蒲衣周量苦子形質多蹒跚獨
有木瓜上人打鼓一首不足算英雄欺人出語未
免儕麤官

南山係東粵詩家故於藥亭事
敘之特詳蓋欲取以相況云爾

初白庵

主筆豪縱敬業體變化饒千般護國寺中摩挲

賦古鼎四十餘韻頃刻無畱難文成紀功樟樹鎮
拂拭碑碣忘朝餐夷門弔古出新意信陵無色侯
嬴殘董臨米卷詩效張岍老縱橫馳驟氣勢殊汗
漫海神廟下慷慨歌一曲鏘洋響振扶胥之口黃
木灣東江吏部生並世壘倡箎和緣非慳相從有
如驂之靳四方上下追逐吹息同旃檀鷹坊之歌
激宕勝揆敘金輿遼蹶飄忽生長歎二家分明髯
蘇高弟子升堂入室並已精鑽矧我生宗尚夙在
是性情雅近風格安近歲陰詠尤好速走筆飛仙
游戲意致彌蕭閒卻喜故人孫子異地忽相遇不
風好齋詩鈔

卷十九

五

覺砒然屐齒折落苔紋斑長歌幾幅縷縷訴衷曲
參差歷落自謂詩腸寬佇興而就詞取能達意匪
敢誇多鬪靡蕩檢還踰閑新知莫樂得張子壇坵
早築高南番用廣韻絲桐惜惜出手腕錦繡片片羅

胸肝選和練響戛疎越紉芳服潔鏗珮環燕寢凝
香從容理繁劇清風誕被江漢兼荆蠻中原相逢

堂堂建旗鼓晉楚周旋憑軾馳擘擘五度致師怯

膽忽變勇

自寄南山詩以來
迄今凡五次矣

獨身跳盪詎足爭秦

關左執鞭弭右橐鞬顧盼聊作老據鞍再衰三竭
多見不知量避君三舍自顧才力孱秦系原非長

卿敵長城詎畏偏師單放言調刁不肯稍休止買
菜求益毋乃遭譏彈雞鳴本由憶君子木瓜差足
稱齊桓吟成亟遞分楚豫飛鴻目送時一憑曲闌
料得兩君發書定爾開笑口滿庭風雨紛飛颯沓
吹我頭上冠

除夕得松雲少府大梁書讀其見贈六律

再疊前韻奉酬亦如元詩之數

少日承家學趨庭就頰宮

尊甫名以方乾隆庚子孝廉官象山教諭君曾

隨侍

署中聲蜚費序裏管挾海艘中襄理元戎事追隨

壯烈公

李忠毅公死

王事後

談兵森虎帳豪氣

夙好齋詩鈔

卷十九

三

竟安窮

醫人稱國手底事誦湯歌

近日醫家無不習湯頭歌詠者惟君獨否

擅岐黃勝才爛靈素多無方非玉律有藥必金科

獨見功堪奏焉能逐唯阿

老我耽經籍神游道義宮吟長日交午坐久月當

中砥礪憑三益評衡本一公五車兼八斗未敢信

途窮

見寄瑤華什洋洋聽和歌格兼唐宋美義近雅騷

多信足克丁部奚難取甲科鴻才還小就松柏別

陵阿

夷門抱關者生不睹梁宮交友屠酤裏埋名吏卒
中身爲當代賤論自後人公國土高千古流芳遇

豈窮

君寄余書自署梁園擊
标唐某故以侯生爲比

風塵艱作吏草澤善狂歌學殖三餘富仙心五際
多酸鹹元異好雅鄭豈同科其羽爲儀吉飛鴻欲

漸阿

易漸上九鴻漸于陸折中以爲當是阿
字之譌卽爾雅所云大陵曰阿是也

來詩

同邑 唐晉鑠 海瓢

款我綢繆甚似憐彈鋏歌同鄉情更密異地話
偏多家已稱三樂門堪設四科

丈在密遠近多
以詩文就正者

一皆評
改不倦今朝見君子好賦隰桑阿

夙好齋詩鈔

卷十九

三

自笑庸庸者偏蒙館上宮杯傾三雅俟鯖設五
侯中有語皆知已何人不識公殷勤投轄意措
大感無窮

瓊瑤堆滿紙贈我五言歌筆有韓蘇富才兼燕
許多紆徐雲出岫活潑水盈科三復增欽佩中
心好不阿

獨擅千秋業超然入化宮放懷天地外高論古
今中學校推何子鄉閭仰鄭公立言堪不朽吾
道豈終窮

雷封爲子舍攜杖聽謳歌花縣河陽茂衙官楚

澤多孝誠宜奉檄治不僅催科整理人才地善

菽詠在阿檜陽書院久已坍塌蕉雨明府割奉重脩著有書院章程一冊

葭灰吹律轉十二管為宮橋梓揚芳處椒梅獻

瑞中多情緣愛客雅集等封公欲乞如椽筆奇

文並送窮前曾以海瓢偶記呈閱兼索弁言

夙好齋詩鈔

卷十九

三



文並送窮呈閱兼索弁言

瑞中多情緣愛客雅集等封公欲乞如椽筆奇

葭灰吹律轉十二管為宮橋梓揚芳處椒梅獻

菽詠在阿檜陽書院久已坍塌蕉雨明府割奉重脩著有書院章程一冊

澤多孝誠宜奉檄治不僅催科整理人才地善

夙好齋詩鈔卷二十

歸安楊知新元鼎

梁園集六

丙戌上

丙戌正月六日得南山司馬書知于客臘
抵襄越數日卽徧游隆中峴首習家池
諸勝喜而有作卽東南山六首

嶺嶠才名蚤歲覃宦游南郡卸征驂襄樊風土資
延眺雲夢山川任縱探裘帶威儀羊叔子春秋方
略杜征南荆湖名勝眞林立退食登臨不厭貪

茲邦耆舊首隆中諸葛高名今古同土石一岡龍
夙好齋詩鈔

卷二十

一

獨臥衡茆三顧鼎爭雄千年故里畱祠廟百代豐
碑紀治功蕭瑟宗臣遺像在雲霄毛羽仰何窮

千載風雲護古亭羊公遺愛夙儀刑一方勝景奚
囊拾三國芳蹤蠟屐經峴首雪殘衰草白楚江煙
盡暮山青當時墮淚碑何處畱得蒲編姓氏馨

習家池畔豁雙眸澄碧淪漣漾未休晉代園林猶
有跡唐時歌舞已無畱白銅鞮笑山公醉綠鴨頭
歡李白游移得靈和殿旁柳銷魂如見舊風流

注見

後習池
種柳曲

雲樹周遭遮望楚山名魚梁洲淺大隄環呼鷹臺上

神鷹下解佩亭邊玉佩閑元直種稅檀水曲德公
采藥鹿門間名賢遺躅皆詩料畱待三春取次攀

三年奉檄四量移

來書云計三年中奉檄者四處

記岵登高動遠

思柳洩西園頻對酒梅開東閣獨吟詩漢江是處

饒佳麗荆楚從來記歲時閑把霜毫勤著錄遺編

好補盛宏之

盛宏之荊州記一書世無足本僅見於諸書所采小注中

去年夏南山司馬年四十六喜得抱孫又

壬午乙酉連校楚闈兩解首並出其房

楚中人咸嘖嘖稱之王霞九學使贈以

聯云兩科得兩元楚北翹材歸玉尺四

夙好齋好鈔

卷二十

二

旬逢四代陔南樂事譜瑤笙讀之令人

神往爰賦七言長律十章以志頌禱之

私兼呈尊甫繡山學博

鬱蔥佳氣萃門庭東粵山川忽降靈天上石麟猶

有種人間仙福詎無形竭看毛羽全身白好繼中

箱素業青君未五旬翁未七一堂四世喜傳經

籬畔黃花伴索居楚江迢遰到雙魚

君此書于去年九月間到

密旃檀香繞南颺裏湯餅筵開夏雨餘三葉考祥

占視履百年延慶卜充闓德門種得無量福新長

桐孫盡不如

一年兩度見孫枝自快艱難異往時大兒艱子得子至三十後

始生長嗣祖名應追俊及超宗夢可叶熊羆俗孫

孫阿徐唐字石生年十歲英孫名錫麒字瑞章年六歲去

年六月次兒又生一孫名錫鹿字華野小字阿及

十月間三兒首得一孫名食莘和樂周京奏揮塵

清談晉代宜馬齒已非年少日較君庸止一籌差

六載端州化雨覃春風昔借味清甘謂繡山丈懷珍子

姓皆麟鳳苗秀孫曾復杞楠縱少靈蔭樹堂北山南

母夫人前頻欣芳草采陔南次君名維翰現隨侍四會署中天倫

已仙逝樂事君家獨譜得笙詩樂律譜

昔年喬梓騁聯鑣千佛名經姓氏標辛酉甲子兩科君與尊人

風好齋詩鈔 卷二十 三

繡山丈相繼中式鵬翼將乘風力厚謂文郎輩鳳毛又向日光

昭鴻詞家學蘇宗擅采筆門才謝氏超他日玉堂

看踵武仙蹤並逐朶雲飄右賀去夏得孫

頻年鎖院典斯文三楚詞章入討論明眼自來精

屢照慧心端只在無言許演生侍講來書有云南

毫髮無憾均平玉尺齊程度皎潔冰壺徹本原羸得司

衡俱頰首揭楹莊語重璵璠

江漢雄風自昔稱黃岡並世得鍾陵百年人往遺

嶽在十郡才高接武興乍喜寥空盤一鷄旋看平

地起雙鷹龍頭總屬荆南望品格齊超最上乘謂貴

門人黃君經塾萬君時
詰卽午酉兩科解首也

嵩嶽曾生甫及申疇云翼軫不能神菁茅夙自睢

漳貢齒革元爲雲夢珍三品金求二山貴禹貢荆及衡陽

惟荆十朋龜識九江真搜奇信是迴瀾手作者居

然數七人君來書云是科本房中式七人榜首萬生及戴生正堽李生藩平日尤有文譽

云
前度槐花棘院開少年曾亦入掄才壬午秋大兒分校豫闈得

士七誰言冀豫山庭產河北三郡古入冀州不及荆揚貢篚

來我愛楚夔長薪錯謂李生君珍杞梓得翹材同時

千里成佳語一笑應浮大白杯大兒午科薦卷西科獲雋者三人解

夙好齋詩鈔
卷二十
四

首河內李致十二名桐柏湯頭矩五十二名靈寶蘇元崗也李生曾於客冬來謁

於陵入覲趾將臨嗣復身方貢舉任馬首歡迎環

俊少賓筵雅集盛謳吟文章舊擅鴛鴦價門戶新

栽桃李陰羨煞當年楊汝士鯁庭佳什報知音右賀

連科得元
開正數日南山司馬于役黃州對雪有懷

賦此奉柬兼寄黃香石明經東粵譚康

侯農部京師六首時春王月十三日

交衢宦轍不留停初度光風散楚萍樊仲新邦纔

小駐齊安故郡又重經雪霏南浦山俱白冰沍西

園草未青東望思君一搔首回風亂舞颯盈庭

雪堂高築舊東坡帶雪經營繪雪多四壁寒林供

偃仰三間老屋足婆娑前賢一去無畱跡有客重

來欲放歌佇想閒情喜登眺廢園垣畔日經過東坡

雪堂記云蘇子得廢園於東坡之脅築而垣之作

堂焉號曰雪堂以大雪中為因繪雪於四壁之間

名故臨臯亭子月波樓勝概誠難一覽收小畜昔年頻

徙倚子瞻當日半句畱遙知政府從公暇定向春

江載酒游佳句錦囊添幾許風情渾似宋黃州右

張

夙好齋詩鈔

卷二十

五

詩名少日噪香山畫品迂倪顛米間聞君兼工六法理學

代傳青史目宋史儒林道學分為二門君先世雙

槐粵州泰泉三先生皆為儒尊甫仰山先生亦以儒名見禪

子居所作香石詩鈔序羅浮時叩白雲關君曾四

飲泉仙骨凌風舉羅浮有卓錫泉君曾作浮山小志度世金鍼刺

繡間著者香石詩話以上並見聽松廬詩注往歲佛經君與否高才

定不老榛菅右贈黃白雪陽春風擅譽君家陽春聽雲樓閣子雲居君詩集名聽雲

樓一官名早登農部九載心懸奉使車聞部曹未

不得與考御苑凍應疏軟紅塵土東華夢竹屋依然自著書

試差故云雪滿燕山寒尚凝春回

右贈
譚

粵東本是人文藪三子才名況久齊千里棟梁看
落月五更風雨聽鳴雞手揮焦爨餘桐尾目送飛
鴻踏雪泥南朔倘邀相問訊尺書好向季鷹題

謂南

山

春夜聞雪灑窗聲清絕可愛因感亾友胡

歐菴語漫賦二律志之

歐菴著揮塵清話一卷筆墨絕

類孝標中有聲之最喜聽者數端雪灑窗其一也又有極不喜聽者數端云云語都雅潔可誦惜此間無存

逸響疇稱最寒天雪灑窗霏來都浙瀝著處忽琤

夙好齋詩鈔

卷二十

六

琤鄉夢飛吳岫吟魂落楚江一聲驚到枕清絕歎
無雙

屈指知交沒於今四十春竭聽風霰韻還憶老成
人宿草猶畱墓遺編久漬塵言歸重搜索珍弄或
如新

月從雪後皆奇夜石湖句也余少日最喜

誦焉春正幾望之夕積雪滿庭明月耀

之金銀宮闕恍在人間愈信石湖之言

不余欺也爰作短章記之

廣庭積素閑雲端吐華月高下一色連晃漾金銀

闕萬籟澹無聲遙空坐超忽普照徹中邊暗室鑑
毛髮散步繞階除宛入清涼窟林疏鶴夢寒風定
山容岑虛堂更漏鳴短牆人語歇四望都空明靜
境不可越雪月夜爭奇古人先我發高吟石湖詩
詩思清到骨

詠懷襄陽古蹟三篇爲南山司馬賦

隆中拜像行

來書云抵襄數日卽訪隆
中草廬拜諸葛武侯像

草廬三顧無元德定向隆中老諸葛漢末蠶起多
羣雄眞主求賢獨如渴一體君臣魚水同跡追高
祖王巴中火井煙浮火精躍白鹽赤甲生英風帝
風好齋詩鈔

卷二十

七

祚興亾歸氣數千秋祠宇高岡駐岡下曾聞起臥
龍祠邊只覺投匭免惠陵松柏久蕭蕭羽扇綸巾
亦寂寥君來下馬瞻遺像髣髴威儀覩漢朝

峴山覽古篇

來書又云登峴山慨然想
見羊公之爲人遺愛至今

存
焉

墮淚碑殘淚莫落晉代風流日蕭索山頭呼起羊
公魂想見風雲氣旁薄當年出鎮駐襄樊賓從威
儀盡漢官風日佳時頻置酒漢南煙景幾回看偶
談今古傷懷抱登臨如我何曾少由來賢達盡銷
沈百歲有知人已老詎知勝地待高賢身後芳徽

照簡編茲山向日遭蕪沒一得公登天下傳當陽
並世名心重銘勳二石兼磨礪一置峰巔一水淵
陵谷遷移碑可誦那及叔子能感人杜以其功公
以仁輕裘緩帶常圍體袴褶兜鍪不著身千年雅
韻今猶在公暇陟山緬遺愛古廟蒼延繞砌苔孤
亭翠挹橫江黛願君作吏比羊公時代雖殊政績
同儀衛從容鈴閣裏藹然江漢被清風

習池種柳曲

來書又云過習家池其地果卽昔日山公所游與否

不可知而澄碧淪漣猶令人俯仰於其際來春將補種楊柳百株於池旁

庶幾晉人風流如將見之

夙好齋詩鈔

卷二十

八

山翁醉倒習家池池上青青裊柳絲倒著接羅花
下臥橫乘款段道中馳山翁一去千年久高陽池
古凋花柳只有微颺叢碧漣冬春皎鏡清無偶游
人日夕曲池旁誰樹靈和殿裏芳晉代繁華今不
見唐時歌舞舊相忘嶺南雅士官荆楚前身本是
齊張緒春風乍拂憶芊緜秋色平分愛飄舉獨憐
此地少楊枝揜映扶疏未有奇移得永豐坊畔種
栽將月額雨來時昔年補植西湖樹步兵高致洵
堪慕曾取千株向海塘插徧白蘇隄上路

乙丑春阮雲臺

制府撫浙曾取海塘柳三千株補種西湖賦靈根詩紀事並命詰經精舍諸生同作余亦與焉

得所愈慘蕭和雨和煙暗六橋至竟水光山色裏
重重綠柳閒紅桃武林襄郡雖殊地司馬中丞都
好事彼毓南朝故址春此添西晉名園翠池邊過
客想風流濯濯丰姿足散愁惜無邛錦江花筆寫
出疎林一段秋

聞邵雲槎驚汀喬梓將以暮春之初歸自

蓋田喜而賦此卽以送別二首

一路長亭復短亭羨君父子好同經夕陽雙騎尋
茅店暮雨扁舟宿葦汀陸走飽看秦地月川行親
拾楚江萍朔南吹度春風裏到及朱櫻燦戶庭

夙好齋詩鈔

卷二十

九

十載鄉園費夢思此行真个是還期桃花野店迷
歌扇楊柳江邨颺酒旗渡口潮生孤櫂遠中流風
定片帆遲因君預定南歸約握手東籬汎菊時

南山司馬以拙園子長歌見贈賦此奉答

卽題其聽松廬詩鈔

東粵篤生南山子卅年海內知名士一行作吏履
荆湖卓魯循聲動西鄙我從大雲識君名盛夏緘
詩付雙鯉翩然歲暮報書來殷勤紙墨心無已爾
我忘形等膝膠三載神交託知已韓孟才高世罕
儔張范情親古誰比苦恨分張會面難兩地相思

隔千里屋梁落月渺容顏
天半停雲邈風軌忽聞
鳧鳥駐襄樊繡壤昆
逴欣在邇雞鳴風雨聽
瀟瀟
鴨綠波流看瀾瀾一朝
效唾落九天隨風珠玉
霏
無邊寶氣星纏鬱葱嶺
祥煙日暖生藍田情長
記

重讀未已更喜惠我瓊瑤編

君詩刻至第六卷止
頃與拙園子歌同見

賒

哀然出騷入雅作四始六義皆純全行止坐臥

那忍釋愛玩不異珍珠船
就中神妙都歷歷僕指
悉數知音前或如焱風
暴雨紛颯沓或如輕車
駿
馬交騰旋或如異軍蒼
頭草中時特起或如名
花
傾國陌上爭鮮妍或如
古聖制禮樂窮高測厚
包

夙好齋詩鈔

卷二十

十

天淵或如良工寫圖畫
驅山走海置几筵或如
佩
玉長裾威儀雍容穆漢
代或如綸巾鶴氅丰度
瀟
灑儼列仙或如草長鶯
飛絢爛五色邛郎錦或
如
高山流水清冷一曲伯
氏弦或如大江無風倏
忽
涌濤浪或如長天淨碧
縹緲飛雲煙或如石家
金
谷園中窈窕文窗圍步
障或如謝客始甯墅裏
嬾
娟綠篠依山泉怒或如
澗池會上相如按劍髮
上
指喜或如淝水捷後安
石過戶屐後穿樂或如
御
風列子泠然排空游莽
渺悲或如崩城杞婦淒
絕
飛霜揮涕漣不名一體
具衆美力掃萬古詩家
儻

擊節雜誦唾壺缺回身起舞形踟躕以視拙詩瑣
瑣不足道得魚得兔焉敢誇蹄筌朋從何思復何
慮殊塗同歸本一致君登越嶠覽青天我向吳山
峯赤幟中原旗鼓偶相逢法律多同局陳異吁嗟
乎同調如今有幾人風塵難遇賞音真引商刻羽
高疇和疏越朱弦雅莫親願取琳琅寘座右浣薇
朝夕露華新誦君詩如覲君面交也有道文有神
自古多聞稱益友世間惟德結芳鄰安得與君歡
握手陶然共醉習池春

拙園子歌贈楊明經

番禺張維屏南山

夙好齋詩鈔

卷二十

十一

拙園子何所似乃似懷葛之逸民秦漢之博士
有時居山林有時履城市有時舉首眺煙霞有
時低頭誦經史經十三史廿四寢於斯饋於是
不知塵中有何味但覺書中有真意以其撐腸
拄腹古書卷發出倒海排山大文字曲高和者
希文奇忌者至一領青衫四十秋十戰棘闈不
得志眼看門前立雪人飛騰早拔文壇幟此手
老斲輪運斤每不利旁人皆歎詫我謂不足異
李廣未封侯劉蕡偏下第唐時取士最重詩榜
中李杜無名氏古來多少賢達人往往才高命

迤滯我會夜夢飛上天欲訴人間不平事帝旁
玉女忽大笑造化小兒尚酣睡下界紛紛蟻蝨
臣真宰茫茫豈能記屈子空問天問篇阮公自
灑窮塗淚事過休論升與沈興來且喜吟還醉
拙園子六十矣聞道童顏復兒齒文老愈奇詩
愈美洪或如鐘鏞豔或似羅綺蒼或挺松檜秀
或苗蘭芷或垂九霄雲或瀉三峽水或展大鵬
翅或豎天龍指濤箋寄我一萬言驛路思君二
千里我尋楚澤浩澤浩雲夢君訪梁園渺荆杞避面
真同尹與邢余與君神交三載迄今尚未獲一面和聲不異宮兼

夙好齋詩鈔

卷二十

十一

徵羨君膝下繞鳳鸞令子河陽滿桃李

詩嗣三人皆自

文名長君現宰密縣

坐中王粲旅懷開天外孫登嘯聲起

孫秋濤王二樵兩詩人皆君莫逆交也

鴨頭綠漲漢水來定有中

州一雙鯉

拙園子歌和張南山明府卽送楊拙園歸吳興

德清馮騰蛟夢花

楊子號拙園莫知所取義園儲天地之菁英拙

屏叔季之情僞藝林元草所栽培忠信道誼所

蒼萃非園蓄不宏非拙養不粹下菰城連浮玉

湖湖山清遠天下無鍾毓人文燦輝映君也博

雅冠其徒經及子集與史曹曾倉所儲鄴侯架
所系一心囊括精研之春華秋實孰逾此文行
賈董醇賦敵班揚綺李杜吐光芒程朱闡義理
書生蘊蓄有如斯區區科名拾芥耳無如巧於
積脩能拙於希祿仕有園植圭璧無園集金紫
非無立雪之游楊趨庭之孔鯉爭貢薪傳蔚國
華而終自刎卞和趾彬彬谷口鄭子真赫赫河
汾文中子出其門者多名臣厥身常爲韋布士
爲人則工自爲拙難免旁人揶揄笑不止我與
楊子同梓桑溪流百里一葦航居家聞名不相

夙好齋詩鈔

卷二十

三

識游梁又限天一方去年吾弟作介紹寄我古
錦囊底千琳瑯質相勒彝鼎文彩耀鸞鳳絲竹
讓清脆金石同鏗韓潮蘇海何汪濊上掩六
代超三唐我朝才人雖林立幾人堪與相韻
頑拙園之中名勝固若此誰敢更闢一園處其
旁我乃不自嗤屢寄所作詩欲借繩墨判醇疵
楊子譽之不容口謂能植根風雅自得師賞其
所優糾其謬彼此俱恨相知遲依然千里相隔
未握手楊子又賦歸來辭白露爲霜秋氣清黃
河水落波濤平一船遠載詩人去白雲紅樹遙

相迎水晶宮畔卽精舍魚蝦爲侶鷗鷺盟松菊
未荒簡編在足以供養幽人貞山川景物舒嘯
傲琴書況味怡性情不知終南山中有捷徑不
識陶朱莊上有奇贏拙者萬事安我拙我心匪
石常經徑園雖日涉以成趣閉門不與萬物爭
豈無世間矜巧鬪捷數百輩看彼各殉所欲常
營營楊子今歸矣我尚畱孤蹤冬烘頭腦歷廿
載其拙殆與楊子同齒加長矣身又病胡久鬱
鬱居此中行將束袞繼君後歸向吳羌山麓自
築半畝宮閒來一櫂指蒼水徑造子雲亭子豁

夙好齋詩鈔

卷二十

十四

達披心胸道場山前訪高士西塞山下招漁翁
楊子羅列新卷軸我亦傾倒舊詩筒狂吟高唱
互激賞驚翻太湖之水騰起蛟鼉龍先寄此詩
作息壤君其待我蓼岬蘋洲東將見拙園之畔
添一拙大園小園煙雲邛壑連重重各養天拙
謝人巧相與倡予和女歡樂無終窮

拙園子歌和張南山明府卽題其夙好齋詩文

集

烏程

潘

竹廬

楊子拙園古君子一生寢饋在經史高義上薄
九霄雲鴻詞倒流三峽水但有歌聲動鬼神從

無友誼淪生死昔我先伯兄與君莫逆交慷慨
道義相勵切歲寒豈慮松柏彫偶以无妄忤直
指誓同患難無屈撓奔走號救事得白羣陰解
剝愁雲消

乾隆丁未仲冬事

平生知己數第一是真金

石非漆膠嗟哉我兄早淪沒遺編零落家蕭條
君逾時日必存問務令妻孥得所無號咷作文
每當快心處輒復長歎增牢騷意謂我兄如不
死定爲拍案叫絕相推敲每一見面必稱說四
十年來如一日長抱綢繆固結心金蘭卹復論
存沒更有歐庵君遺孤數歲賴陶甄飲食教誨

夙好齋詩鈔

卷二十

五

如己子巍科早拾登青雲

胡歐庵丈君至好也
沒後遺孤林石君纔

歎歲君攜至家親督課之十五游庠
學極宏博弱冠後登賢書惜早世 秋室先生

死無後爲視含斂起高墳太白山人古墓側松

花滿地香紛紛

君族兄秋室丈無後君與其徒
陳抱之力爲營兆域下地於明

高士孫太初墓旁舉葬
兩世七棺分爲三墓

其餘闡揚潛德不遺力

欲令死者地下皆回春片辭苟足傳後世求之
汲汲言津津只今交道何堪語翻手作雲覆手

雨嗟君氣誼邁等倫薄俗聞風應知恥君之詩

文神氣旺讀之擊節令人壯李杜韓蘇合一人

精神千載峴相抗春花鮮豔秋月明青山窈窕

清波漾沈浸醲郁古香叢醲醲書味酣醇醲無
端五嶽起雲中撐空突兀青天上碎旬澎湃相
撞春碧海鯨魚湧濤浪仙風吹入蓬萊山珠宮
貝闕森搖颺或如珊瑚玉樹交枝柯或如白旄
黃鉞排兵仗陸離斑駁蛟龍文迴非時下新花
樣又如夏瑚商璉秦漢碑鼎彝金石開寶藏當
其得意淋漓揮灑時經營慘澹運心匠雕鏤萬
類追精魂抉摘幽隱無餘狀一切窮通壽夭置
之都不知那問王侯與將相惟其埋頭經史數
十年無書不讀深培養所以煙雲繚繞生筆端

夙好齋詩鈔

卷二十

七

但覺無數天花放宜早登金門宜早上玉堂況
出君餘緒付之徒輩俱高翔臺閣諸君聯袂如

拾級春風桃李輝門牆

君及門姚庶常筌華趙太守竺泉俱先後捷南

宮

奈何困蛟龍垂老不得意四海徒聞羅隱名

坐使劉蕡終下第看君意氣轉豪雄鶴髮兒齒
顏仍童矻矻不知老將至書城圍繞明雙瞳長
風忽起東海東鏗鏘金石聲摩空神游八極超
鴻濛一瀉鬱勃磊落之心胸頃刻奮筆書滿紙
不顧奇語驚天公有時掀髯一大笑令子花封
書乍到書中善政羅班班不覺喜氣開心顏

長君

蕉雨壓宰陳畱汝陽輝
密息諸縣並多善政
況復庭階下玉樹森三

株株俱秀特佇看石渠天祿珍璠瑜人生得
此真莫樂愉快豈與神仙殊何必曳青拖紫始
足爲歡娛卓哉楊子行誼修壯哉楊子雄文奇
傑凌滄洲樂哉楊子襟懷灑落誰與儔名山事
業且弗道試將古來賢人達士相比絜能若楊
子終身快意不

夙好齋詩鈔

卷二十

七

千絲良對法不

崇且東遊矯矯傑古來賢人卷士休良其指卷

樂勉爲爾樂姑對千春好爾若道真對心山

式益履賦車始對千春信遊樂使遇下

世是莫梁滿封豈與爾山終向心更青

行世不衣對千春玉榮天賦也欲保人生

楊子拙園編次其梁園詩集成以示獻詩凡六卷
獻受而讀之竭數日夜之力始竟作而言曰有是
哉詩歌之妙一至于斯乎其間自道塗之所經歷
山川之所憑眺以及感舊思鄉懷人弔古論文玩
物之作無一不有讀之驟而如淺復而如深天施
地設陰闔陽開其指陳情狀鬚眉生動則顧虎頭
之阿堵傳神郭河陽之溪山訓畫也其敘述故事
委婉曲肖則馬伏波之聚米爲谷張壯武之畫地
成宮也其驅使典實迭出不窮則邊孝先之腹笥
便蕃杜征南之武庫森列也其雍容揄揚脩整俊
後序

偉則諸葛公之羽扇綸巾羊叔子之輕裘緩帶也
其瀏灑頓挫感激豪宕則公孫大娘之劍器渾脫
張顛尉之草書筆陳也其淵涵渟泓澄深演迤則
黃叔度之千頃汪洋劉豫州之百川容納也其騰
驤磊落超軼絕塵則千金戰馬之驀澗注坡九霄
神龍之乘雲翳霧也其璀璨繽紛炫人心目則懸
黎結綵之照徹深宮明月火齊之輝映車乘也其
光芒閃爍卻人偪視則純鈞太阿之燄奪秋水于
將莫邪之氣燭斗牛也其駢隱陸離不可方物則
如遇西域之賈胡入五都之塵肆也其典重肅穆

不可褻越則如披三代之法物覩九廟之殊珍也
其左縈右拂應給不暇則如游山陰之道而耶壑
自相映發也其手揮目送神意都閑則如聽水仙
之操而山海頓覺移情也其精銳疾走鬼神辟易
則如遭兜率宮之激雷飛電而堂壁搜其蛟螭也
其聰明潔淨表裏瑩澈則如覲藐姑射之神人仙
子而冰雪沁其肌膚也嗚呼盛矣哉詩歌之妙一
至于斯乎昔人論詩謂詩得江山之助詩乃益工
以其有登臨游覽足以恢廓其耳目俯仰憑弔足
以發舒其志氣凡詩人平日胸中所旁薄鬱積隱

後序

二

隱麟麟欲言不得言之狀一于山巔水涯間自在
流出有不自知其所以然者故其見于篇什也爲
尤工今觀楊子之詩其殆有得于江山之助者歟
楊子生平足跡未嘗遠游年近六十始以長君蕉
雨宰密欲觀其政遂不憚三千里一行自抵署以
來幾無一日不爲詩詩亦幾無一字不工六十後
吟興尤豪雲譎波詭海怒鵬騫新篇之富纍纍若
束筍焉蓋與戲往復談藝者已四年於茲矣其爲
詩也放而之簷山約而之東川秀而爲隨州樸而
爲杜陵縱橫跌宕擅太白飛仙游戲之奇妥貼排

稟饒昌黎橫空盤硬之骨縱筆所如無不如志而其中參互比興錯襍楚騷迷離悄恍悲壯沈鬱之致有未易以言語罄其形容者自非深有得于四始六義之旨者不能爲以獻歷觀近代詩人如楊子者欲不謂之大家正宗其可得乎楊子蚤歲稱詩斷斷持唐格一字不肯輕下中歲以後特喜爲雄放之作其七古長篇往往與唐之任華盧仝劉叉馬異宋之徐積巢谷明之劉基郭登相出入或有病其太涉議論過逞才情者楊子仍恬然爲之自若也閒著自述一篇其所論宗派體裁至明且

後序

三

確今編在集中此殆韓子所云氣水也言浮物也水大而物之浮者大小畢浮氣盛則言之短長與聲之高下者皆宜乎詎止區區爲夸多鬪靡之觀而已至其所作襄樊禹州懷古等篇慷慨激昂纏綿惻愴深情遠韻實又兼有義山致光之遺風焉嗟乎楊子之詩之工蓋至是而蔑以加矣以視壯盛時所爲有過之無不及焉此非豐于才足于識邃于學充于氣者而能爲之乎乃楊子方欲然不自以爲足務求進境于深造自得之中此眞古人所謂精益求精益求密者將後當必更有每變

愈上之風其爲工又詎有限量哉楊子詩素不喜
倩人作序獻不文亦烏足以序楊子之詩惟是數
年來朝夕聚首親見其撚髭下筆時情狀其知之
也不可謂不深于其編成也輒論其所以爲詩之
意以告後之人且以自致其歡喜贊歎之情焉爾
若夫弁諸集首則何敢道光五年乙酉仲冬長至
前十日二樵山父王獻書于峯陽官舍

拙園丈生平凡事喜從古不喜從時嘗記魏叔
子先生爲其師楊一水明經撰書釋序通體俱
稱楊子不稱先生惟于己則稱名其立言之體

後序

四

如是今獻爲此文一倣其體竊亦自附於從古
之義而庶幾無失乎作者之心未知丈以鄙言
爲然乎否也二樵又跋

